

REFERAT Kommunalbestyrelsi d. 02-09-2026

Mødedato Onsdag d. 02. september 2026 kl. 19:00

Mødested Kommunalbestyrelsip ataatsimiittarfiani

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
2027-mut missingersuutit pillugit ilisimatitsissut.....	6
Paamiuni utoqqarnik suliaasaqarfimmut innersuussinermut immikkoortortaq pillugu siunnersuut.....	8
Paamiut pillugit isumaqatigiissut 2026 pillugu killiffik.....	11
Kommuneqarfik Sermersuup, Kalaallit Nunaanni Innuttaasut Peqqissusaannik Ilisimatusarfiup aam	14
Atuartut angerlarsimaffiannut immikkoortumut pilersaarummi suliniutinut killiffik 2026.....	16
Immikkoortup ilaanut 1C3 – Aqqusinersuup eqqaani qitiusoqarfimmut kommunimi pilersaarummu	18
Illoqarfiup ilaanut pilersaarutitut siunnersuut 1C3-B - Dronning Ingridvej pillugu tamanut tusarnia	20
Kommunimut pilersaarummut tapiliussaq nr. 16, 4B5 - Isuliffik, Nuuk pillugu tamanut tusarniaaneq	22
Illoqarfiup ilaanut pilersaarutitut siunnersuut 4B5-B Isuliffik pillugu tamanut tusarniaaneq.....	24
4B1-B-mi inissiivimmut nunaminertamik atuineq – Naternaq, Qinngorput.....	26
Missingersuutiniq nakkutilliineq, kvartalip aappaat 2026.....	28
Sanaartorfissat 9-p aamma 10-p, Eqinga Nuuk, atugassiissutigineqarneri.....	32
Illu aalaffiusoq Nuussuaq, Nuuk.....	34
Cykelertartut peqatigiiffiannik Cykel'liussisartut-nik suleqateqarnissamik isumaqatigiissuteqarneq..	36
Prinsesse Margrethep Meeqqanut Angerlarsimaffia & Nasippi.....	38
Kommunalbestyrelsip Paamiunut angalaneranut angalanermit nalunaarusiaq.....	40
Ittoqqortoormiit – pinngortitamut qanittoq – siunissamut atassutilik.....	42
Paamiut – ilaqutariinnut illoqarfik.....	44
Kommuneqarfik Sermersuup aamma WWF-imi Nunarsuarmi pinngortitamut aningaasaateqarfiup a	46
Inuusuttut kommunalbestyrelsianni 2026-mi ukiumoortumik ataatsimiinneq – innersuussutit oqalut	48
Imaqarniliap akuerineqarnera.....	50

Ilaasortat:

Avaaraq Olsen (IA)
Mette Pike Barselajsen (IA)
Uju Petersen (IA)
Lone Rosengreen Pedersen (IA)
Nitta Lyberth-Mørch (IA)
Arnanguak Steenholdt (IA)
Ida Julie Andersen (IA)
Poul Petersen (D)
Alex Hermansen (D)
Justus Hansen (D)
Per Berthelsen (D)
Egon Poulsen (S)
Dorthe-Marie Mogensen-Fontain (S)
Peter Davidsen (S)
Laura Táunâjik Uitsatikitseq (S)
Mala Høy-Kúko (S)
Doris J. Jensen (S)
Peter Utuange (S)
Angutimmarik Hansen (S)

2027-mut missingersuutit pillugit ilisimatitsissut

Ilisimatitsissut

SagsID.: EMN-2024-01487

Pisortaqatigiit allatseqarfiat – kommunaldirektøri Ole Jakobsen / OJAK

Inassuteqaat

Aningaasaqarnermut Inuussutissarsiornermullu Ataatsimiititamit Kommunalbestyrelsimut inassuteqaatigineqarpoq:

1. Ilisimatitsissut tusaatissatut tiguneqassasoq

Suliassamik saqqummiussineq

Kommunit Namminersorlutilu Oqartussat missingersuutaat naatsorsuutaallu pillugit Inatsisartut inatsisaata allanngortinneqarnissaa pillugu Inatsisartut inatsisaat nr. 13, 1. december 2021-meersoq akuerineqarneratigut, kommune ingerlatsiner mi aamma sanaartornermi aningaasartuutiminik killilersuinissaminik pisussaaffilerneqarpoq. Ukiut sisamat ingerlaneranni kommunip ukiumoortumik missingersuutaa oqimaaqatigiissinneqassaaq imaluunniit sinneqartoorfiussaaq. Ukiut sisamat ingerlaneranni ukiuni ataasiakkaani amigartooruteqartoqarsinnaavoq sinneqartooruteqarluniluunniit, taamaattoarli ukiut sisamat ingerlaneranni oqimaaqatigiissinneqassapput imaluunniit sinneqartooruteqarfiussapput. Aningaasaqarnermut Naalakkersuisoqarfiup ukiut tamaasa apriliip naannginnerani kommuninut ataasiakkaanut aamma Namminersorlutik Oqartussanut ukiunut tulluuttunut sisamanut missingersuutit inissisimanissaat pillugu nalunaaruteqartarpoq.

Tassa 2027-mut imaappoq, kommunip ingerlatsiner mi sanaartornermullu aningaasartuutai 2.625 mio. koruuninit amerlanerussanngillat. (tak. ilanngussaq 1)

Angusanik naatsorsuutini, ilanngussaq 2 innersuussutigalugu, teknikkikkut allaffissornermi missingersuutitut tunngasumik allaqqasoqarpoq. Missingersuutini ingerlatsiner mi sillimmatit 25 mio.kr.-nik annertussuseqartut ilanngullugit naatsorsorsimapput, kiisalu sanaartornermi atugassat agguanneqanngitsut 19 mio. kr.-nik annertussuseqartut. Taakku saniatigut Akit/Akissarsiat siumut naatsorsukkat akissarsianut siumut naatsorsukkat 2,96%-ii 32 mio.kr.-t nalingi ilanngullugit naatsorsorneqarput. Kiisalu ilassutitut aningaasaliissutit 2027-mut missingersuutitut sunniutaasut (TB1) ilanngullugit naatsorsorneqarput, 2026-milu akuerineqassagunartut 2027-mi 63,7 mio.kr.-t nalingi

Taamaalliluni tamanna aallaavigalugu maannakkumuugallartoq 2027-mut missingersuutitut politikkikkut isumaqatiginninniutaasinnaasut 65 mio.kr.-nik annertussuseqarput. Taamaattoarli oqaatigineqassalluni, teknikkikkut allaffissornermi missingersuutit ilaatinneqanngimmata:

- Politikkikkut pingaarnersiuneq
- Aningaasaliiffigineqarnerunissamik allaffissornermi kissaatit
- Aammattaaq 2026-mi ilassutit aningaasaliiffiginninnermi pisariaqartitsinerit 2027-mut sunniutaasinnaammata
- Sanaartornermi nutarterinermilu aningaasaateqarfimmi pingaarnersiueqqissinnaaneq

Taamaattumik aallaaviatigut nutaanik annertuunik suliniuteqartoqassatillugu pilersaarutaareersut suliniutaareersullu iluani pingaarnersiueqqittoqarneratigut pissapput. Tamanna ilaatigut piffissamik, pisariillisaanermik imaluunniit suliniutit ikilinerinik kinguartitsinnaavoq. Politikkikkut aningaasat atorsinnaasat annertusarniarlugit sanaartornermi missingersuutini allatut pingaarnersiuneq aamma pisinnaavoq.

Ingerlatsivimmit aningaasatigut sulisoqarnikkullu naliliinerit

Kommunalbestyrelsi, 02.09.26:

Pisariaqanngilaq.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaattillit

- Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaata allanngortinneqarnissaa pillugu Inatsisartut inatsisaat nr. 13, 1. december 2021-meersoq
- Kommunit aqunneqarnerat pillugu Inatsisartut inatsisaat nr. 29, 17. novembari 2017-meersoq.
- Kommuneqarfik Sermersuumi Aqutsinermut ileqqoreqqusat
- Kommuneqarfik Sermersuumi 2027-mut missingersuusiornermut malittarisassat
- Kommuneqarfik Sermersuumut piginnaatitsinermik agguataarinissamut pilersaarut

Siusinnerusukkut aalajangiinerit

Aningaasaqarnermut Inuussutissarsiornermullu Ataatsimiititaq 20.08.26:

Ilisimatitsissut tusaatissatut tiguneqarpoq.

Ilanngussaq

1. Missingersuutitigut inissisimaneq
2. Angusanik naatsorsuutit 2027
3. 2027-mi aningaasaliissutitut takussutissiaq

Paamiuni utoqqarnik suliassa qarfirmut innersuussinermut immikkoortorta pillugu siunnersuut

Ilisimatitsissut

SagsID.: EMN-2026-01522

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Aningaasaqarnermut Inuussutissarsiornermullu Ataatsimiititamit Kommunalbestyrelsimut inassuteqaatigineqarpoq:

1. Ilisimatitsissut tusaatissatut tiguneqassasoq

Suliassamik saqqummiussineq

Utoqqarnut Isumassuinnermullu Ataatsimiititamit marsip ulluisa aappaanni Tasiilami utoqqaliner mi pensioninik sullissinnermut aamma utoqqaat pillugit suliassa qarfirmi innersuussisarnermut atorfirmik nutaamik pilersitsinissaq akuersissutigineqarpoq. Atorfirmut aningaasaliissutaasut suli politikkikkut oqaluuserineqanngillat. Siunnersuutip suliarineqarnerani Aningaasaqarnermut Inuussutissarsiornermullu Ataatsimiititamit kissaatigineqarpoq, ingerlatsivik Paamiuni utoqqaat innersuunneqartarnerannik siammarterinnermut siunnersuummik saqqummiissasoq. Innersuussinnermik suliassamik aqqissuussinnermut ilutsit marluk suliarineqarsimapput. Taakku najukkami tunngaveqarnerulersitsinissamut kissaatigineqartoq tapersorsorpaat, taamaattorli siammarterinerup annertussusaa assigiinngiaartillugu.

Paamiuni innersuussinnermik suliap imarisai annertussusaalu

Utoqqarnut tunngasunik Tulleriissaarisartut utoqqaat illuanut, angerlarsimaffimmi ikiortinut, oqilisaassinnermik iluaqusersuutinillu innersuussisarnermik suliaqartuupput. Tulleriissaarisartut innuttaasunit saaffiginnissutiniq tigusisarput, angerlarsimaffinni pulaarlutik, innuttaasut piginnaassusiinik allaaserinnerit tamakkualu tunuliaqutaralugit kommunip neqeroorutaanut innersuussillutik. Tamanna suliarineqartarpoq sapinngisamik minnerpaamik akuliunnertut aamma piginnaangorsaaqqinnermik periuseqarluni. Taakkua saniatigut Tulleriissaarisartut peqqinnissaqarfirmik, ilaqaataasunik aamma kommunimi immikkoortortanik allanik oqaloqateqartarput. Tulleriissaarisartut nalinginnaasumik peqqissaasutut, timimik sungiusaasutut, pillorissaasutut imaluunniit assingusumik tunuliaqutaqartarput. Tulleriissaarisartut ullumikkut Nuummi qitiusumit ingerlanneqarpoq ingerlatsineq assigiissaartoq aamma suliassa qarfiit akimorlugit innersuussisoqartarnissaanut inatsisitigut piumasaqaatit naammassineqarnerat qulakkeersinnaajumallugit. Tulleriissaarisartut suliamut atasumik ukiumoortumik angalaartarput, taakkununga ilanngullugu ukiumut ataasiarlutik Paamiunut tikeraartarput, suliassallu ingerlaavartut aamma pinartut najukkami sulisut suleqatigalugit passunneqartarlutik.

Innersuussisartut sullissineq imaluunniit taassuma sukkassusia pillugu Paamiuni innuttaasunit qaqutikkut naammagittaalliorfigineqartarput. Kommunip utoqqarnik suliassa qarfianni suliassai katillugit amerlassusaannut atatillugu – Paamiuni suliassat – ikittuaraapput. Sapaatit akunnikkaarlugit agguaqatigiissillugit akunnerit pingasunik suliatigut artukkerneqartarnermik nalillit. Ingerlatsivimmit nalilernerqarpoq, suliassaq suliatigut aningaasatigullu maanna ilutsimut naapertuunnerpaamik aqqiissutigineqassasoq.

Ingerlariaqqinnissamut siunnersuutit marluk

Innersuussinermik suliassap qitiusumit nuunneqarnissaanut politikkikkut kissaatigineqartoq tunuliaqutaralugu, ingerlariaqqinnissamut Ingerlatsivik marlunnik siunnersuuteqarpoq. Taakkununga najoqqutarineqarsinnaasut ataani allaaserineqarput.

Siunnersuut 1: Innersuussinermik suliassanik toqqakkanik siammarterineq

Ingerlatsivimmit siunnersuutigineqarpoq, innersuussinermik suliassat toqqakkat Paamiuni angerlarsimaffimmi ikiorteqarfimmit isumagineqartartussanngorlugit nuutsinneqassasut. Suliassat imarissavaat innuttaasut angerlarsimaffiannut pulaartarnerit, piginnaasanik allaaserinnittarneq, innuttaasunik qanigisaasunillu oqaloqateqartarneq kiisalu maannangaaq ikiorneqarnermik, paaqqutarineqarnermik tapersersorneqarnermillu pisariaqartitsinerup allaaserineqartarnerat. Angerlarsimaffimmi ikiorteqarfiup suliassat taakkua sulisorineqareersutigut suliarisinnaavai, taamaattumillu siunnersuut maannakkut missingersuutitut sinaakkutissat iluanni suliarineqarsinnaalluni.

Inaarutaasumik innersuussineq akuersissuteqarnerlu kommunip innersuussinermut immikkoortortaanit, ilisimasat tapertariisillugit suliassaqarfianit, suli suliarineqartassapput. Taamaalluni suliassaqarfiit akornanni innersuussisarneq pillugu inatsisitigut piumasaqaataasok suli malinneqartassasok siunnersuutip qulakkeerpaa, ilutigalugulu innuttaasut sullissinermi najukkami qaninnerusumik attaveqartalissallutik. Taamaattumik innersuussisarnermut piginnaatitaaffik qitiusumi innersuussinermut immikkoortortamiiginnassaaq, tamannalu kommunip innuttaasuiniq assigiissaartumik pitsaasumillu sulissutiginninnermik tapersiivoq.

Siunnersuut 2: Innersuussinermi suliassamik katitikkamik siammarterineq

Ingerlatsivimmit ilutsimi siunnersuutigineqarpoq, innersuussinermut piginnaatitaaffik Paamiuni Inunnik Isumaginninnermi sullissivimmut nuutsinneqassasok. Inunnik Isumaginninnermi Sullissivik sulisoqareerpoq utoqqalinnermi pensionit utoqqarnillu suliassaqarfimmut utoqqalinnermi pensionit saaffiginnissutillu allat pillugit innuttaasut saaffiginnissutaannik isumaginnittartunik. Sulisut aamma innuttaasut atugaannut ilisimasaqarluarput. Siammarterinikkut sulisooreersut innersuussinermik ingerlatsinermik suliaqartassapput innersuussinermullu immikkoortortaq suleqatigalugit aalajangiisassallutik. Sulisut aaqqissuussaannikkut Inunnik Isumaginninnermi Sullissivimmi suli inissisimassapput aamma pitsaassuseq, suliassaqarfiit akornanni suliaqarneq assigiissaartumillu suliaqarneq qulakkeerniarlugit innersuussinermut immikkoortortaq ataavartumik suliatigut siunersioqatigisassallugu.

Sullissineq aalajangiinerlu innuttaasunut qanilluni pisarnissaat aamma najukkamik ilisimasaqarluarluni tunngaveqartarnissaq siunnersuutip qulakkeerniarpai. Peqatigitillugu utoqqarnut tunngasunik ataqatigiisumik sullissisarneq tapersersorneqarpoq. Suliat, matumani suliarinneqataaffigineqarsinnaanngitsut imaluunniit suliatigut immikkut nalilersorneqarnissaannik pisariaqartut innersuussinermut immikkoortortamit suliarineqartarneri ingerlaannassapput. Aaqqissuussaannerup siunertaq malillugu ingerlanersoq nalilernissaa siunertaralugu ingerlatsiviup piffissamik atuineq, suliassat annertussusaat suliatigullu pitsaassutsit ingerlaavartumik malinnaavigisassavai.

Ingerlatsivimmit aningaasatigut sulisoqarnikkullu naliliinerit

Siunnersuutit marluusut aaqqissuussaannerup pioreersup sulisooreersut iluanni suliarineqarsinnaasut nalilerneqarpoq. Taamaattumik atorfinnik nutaanik pilersitsinissamik pisariaqartitsisoqarnissaanik imaluunniit ingerlatsinermut aningaasaleeqqittoqarnissaanik siunnersuutit kinguneqartitsissanngillat. Aaqqissuussaannerup siunertaq malillugu ingerlanersoq nalilernissaa siunertaralugu ingerlatsiviup piffissamik atuineq, suliassat annertussusaat suliatigullu pitsaassutsit ingerlaavartumik malinnaavigisassavai.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatiillit

- Kommunit aqunneqarnerat pillugu Inatsisartut inatsisaat nr. 29, 17. novembari 2017-imeersoq.
- Utoqqarnik paaqqinniffiit il.il. pillugit Inatsisartut peqqussutaat nr. 11, 30. oktober 1998-imeersoq kingusinnerusukut uuminnga allanngortitaq Inatsisartut peqqussutaat nr. 8, 5. december 2008-meersoq.
- Utoqqarnut Isumassuinnermullu Ataatsimiititamut suliamut saqqummiussassaq, 02.03.26 - Tunumut utoqqarnik suliassaqarfimmuut innersuussisartut immikkoortortaas pillugu siunnersuut

Siusinnerusukut aalajangiinerit

Utoqqarnut Isumassuinnermullu Ataatsimiititaq, 03.08.26:

Suliffeqarnermut Isumaginninnermullu Ingerlatsivimmit Utoqqarnut Isumassuinnermullu Ataatsimiititamut inassuteqaatigineqarpoq:

1. innersuussinnermik suliassat toqqakkat qitiusumit nuullugit suliarineqartalernissaat akuersissutigineqassasut *imaluunniit*
2. innersuussinnermik suliassat katitikkat qitiusumit nuullugit suliarineqartalernissaat akuersissutigineqassasut *imaluunniit*
3. inassuteqaat 1 aamma 2 itigartissutigineqassasut
4. suliag Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasq

Ataatsimiititap inassuteqaat immikkoortoq 2 akuersissutigivaat.

Aningaasaqarnermut Inuussutissarsiornermullu Ataatsimiititaq 20.08.26:

Utoqqarnut Isumassuinnermullu Ataatsimiititamit Aningaasaqarnermut Inuussutissarsiornermullu Ataatsimiititamut inassuteqaatigineqarpoq:

1. Ilisimatitsissut tusaatissatut tiguneqassasq
2. suliag Kommunalbestyrelsimut ilisimatitsissutitut ingerlateqqinneqassasq

Ilisimatitsissut tusaatissatut tiguneqarpoq.

Ilanngussaq

1. Tabeli, siunnersuutit 1 aamma 2 ilutsitut inissitsiternerat
2. Paamiuni innuttaasut 65+-it amerlassutsimikkut allanngorarnerat

Paamiut pillugit isumaqatigiissut 2026 pillugu killiffik

Ilisimatitsissut

SagsID: EMN-2026-00874

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Aningaasaqarnermut Inuussutissarsiornermullu Ataatsimiititamit Kommunalbestyrelsimut inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

2019-imi juunimi Paamiut pillugit isumaqatigiissut Kommuneqarfik Sermersuup aamma Peqqinnissaqarfiup akornanni isumaqatigiissutigineqarpoq. Tamanna utoqqaat illuata nutaap ammarneqarneranut atatillugu pivoq, taannalu peqqissaavimmut uiggiutaavoq. Inuiaqatigiinni utoqqaat amerliartortut sulisinnaasullu ikiliartortut – nukiit pisortat suliffeqarfiutaanni assigiinngitsuni pigineqareersut pitsaanerpaamik atorineqarnerisigut - isumaqatigiissummi inuiaqatigiit agguataarneqarnerisa sumut ineriartornerat piareersimaffigineqarnissaa siunertarineqarpoq.

Isumaqatigiissummi utoqqaat illuata aamma peqqissaaviup akornanni iluaqutaasussamik qaninnerusumik suleqatigiinnissap pilersinneqarnissaa anguniarneqarpoq. Utoqqaat illuanni peqqissaavimmilu atortulersuutit sulisullu sorliit avitseqatigiissutigineqassasut isumaqatigiissummi ilanngussamiittumi allaaserineqarput. Najukkami utoqqaat illuata peqqissaaviullu akornanni suleqatigiinnikkut aaqqiissusiortoqarnissaa isumaqatigiissummi qitiutinneqarluinnarpoq.

Suleqatigiinnerup killiffia

Paamiut pillugit isumaqatigiissut malillugu ukiut tamaasa suleqatigiinneq pillugu killiffik qinikkanut nalunaarutigineqartassaaq. Killiffik pillugu ilanngussaq 1 takuuk.

2025-mi aggustimi killiffissiortoqareersorlu aamma 2025-mi novembarimi ilassutitut killiffissiortoqareersorlu, Paamiunut nunaqarfinnullu kommunip nunap immikkoortuani pisortarititaa suleqatigiinnermut ilanngunneqarpoq. Ilanngunneqarnera najukkami aqutsisunut aamma utoqqaat illuata peqqissaaviullu akornanni attaveqatigiinnerannut nukittorsaatitsilerpoq. Nunap immikkoortuani pisortap aamma utoqqaat illuanni peqqissaavimmilu aqutsisuusut akornanni maanna aalajangersimasumik ataatsimeeqatigiittoqartarpoq. Najukkami suleqatigiinnerup attatiinnarneqarnissaa piniassammat, peqqissaavimmi aqutsisunik nikittoqarneranut atatillugu, peqqissaavimmi sumiiffimmi attaveqaateqartoqarnissaa anguniarneqarpoq.

Peqqissutsumik suliatiqut qulequttat ataasiakkaat pillugit utoqqaat illuanni sulisunut pikkorissaasoqarpoq, pikkorissaanerli aalajangersimasumik neqeroorutaatinneqanngilaq piffissamilu sivitsortumi pikkorissaasoqarani. Peqqissaavimmi sulisut taarseraanneratigut pikkorissaasarneq ilaatigut ingerlanneqanngitsoortarpoq. Pikkorissaaneq 2026-mi juunimi aallarteqqissasoq paasissutissiisoqarpoq.

Peqqissaavimmi portørit utoqqaat illuanni pedelip suliartisartagaannik suliaqartassasut isumaqatigiissummi piumasaqaatigineqarpoq. Pedelitut suliassat piumasaqaatigineqaaqqaarneriniit annertunerusut utoqqaat illuanni aqutsisumit nalilerneqarput, taamaattumik pedelip atuuffiinnut aqutsisoqarnikkut akisussaaffik utoqqaat illuanni aqutsisumit akisussaaffigineqassasut pisariaqarpoq. Taamaattumik utoqqaat illuat aalajangersimasumik pedelimik sulisoqartillugu

ullaallu tamaasa peqqinnissaqarfimmiit portøri ataaseq ikiuuttassasoq sumiiffigisami 2026-mi aaqqiisoqarpoq.

Isumaqatigiissut malillugu suleqatigiissutigineqartut tullinnguuttumi takussutissiarineqarput. Isumaqatigiissut apeqqutaatinngu nakorsaasersuisarneq peqqissaavimmit suliassarineqarmat aamma elektronikikkut nakorsiartut journalinut allattuisarfimmut Cosmicimut isersinnaaneq peqqissaavimmit nutaamik atortutaarnissaq utaqqimaarneqarmat, nakorsaatinut tunngasut ilaatinneqanngillat.

<u>Suliniut</u>	<u>Sullissisoq</u>	<u>Tiguisisoq</u>
Pigaartog	Peqqissaavik	Kommune
Pikkorissaaneq	Peqqissaavik	Kommune
Iluaqusersuutini atukkiineq	Illungiillutik	Illungiillutik
Pill. avitseqatigiinneq	Illungiillutik	Illungiillutik
Nerisanik aggiussineq	Peqqissaavik	Kommune
Igaffeqarneq nerisassiornerlu	Kommune	Peqqissaavik
Eqqiaaneq	Kommune	Peqqissaavik
Errorsineq	Kommune	Peqqissaavik
Pedelip suliassanik portøreqarneq	Peqqissaavik	Kommune

Siunissami suleqatigiinneq

Utoqqaat illuata peqqissaaviullu akornanni suliassat naligiimmik agguataarneqarlutik isumaqatigiissummi aningaasaqarnikkut silatusaarnuvoq. Eqqiaaneq, errorsisarneq nerisassiornerlu ullumikkut kommunimit suliarineqartarput. Agguataarineq pedelip suliassanut sumiiffimmi nutaamik aaqqiissutaasoq peqqutaalluni naligiinnginnermut annertunerulersitsisuuvoq. Tamanna aaqqiiviginarlugu 2026-mi aggustimiit peqqissaavimmi eqqiaasarnermi suliassat peqqinnissaqarfimmit tiguneqassapput, suliassallu oqimaaqatigiinnerulernerinut sunniuteqassasoq Suliffeqarnermut Isumaginninnermullu Ingerlatsivimmiit nalilerneqarpoq. Utoqqaat illuanni eqqiaasarneq utoqqaat illuannit tigummiinnarneqassaaq.

Paamiut pillugit isumaqatigiissutit killiffia ataatsimiititamut tulliani 2027-mi upernaakkut tunniunneqassaaq.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaattillit

- Paamiut pillugit isumaqatigiissut aamma Paamiut pillugit isumaqatigiissummut ilanngussaq 1
- Peqqinnissamut Naalakkersuisoqarfiup aamma Kommuneqarfik Sermersuup akornanni peqqinnissamut tunngasunik suleqatigiinnissamik isumaqatigiissut
- Utoqqaat pillugit immikkoortumut pilersaarut 2024-2028

Siusinnerusukkat aalajangiinerit

Utoqqarnut Isumassuinnermullu Ataatsimiititaq, 09.04.24:

Ilisimatitsissut tusaatissatut tiguneqarpoq.

Aningaasaqarnermut Inuussutissarsiornermullu Ataatsimiititaq, 20.08.26:
Ilisimatitsissut tusaatissatut tiguneqarpoq

Ilanngussaq

1. Paamiut pillugit isumaqatigiissut 2026 pillugu killiffik
2. Paamiut pillugit isumaqatigiissut
3. Ilanngussaq 1 Paamiut pillugit isumaqatigissummut

Kommuneqarfik Sermersuup, Kalaallit Nunaanni Innuttaasut Peqqissusaannik Ilisimatusarfiup aamma Paarisap akornanni peqatigiinnissamik isumaqatigiissut

Ilisimatitsissut

SagsID.: EMN-2025-01629

Meeqqanut Atuarfeqarnermullu Ingerlatsivik – pisortaq Tina Evaldsen / TIEV

Inassuteqaat

Aningaasaqarnermut Inuussutissarsiornermullu Ataatsimiititamit Kommunalbestyrelsimut inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Meeqqanut Atuarfeqarnermullu Ingerlatsivik Kommuneqarfik Sermersuup, Kalaallit Nunaanni Innuttaasut Peqqissusaannik Ilisimatusarfiup (CFG) Paarisallu akornanni suleqatigiinnissamik isumaqatigiisummik siunnersuusiorpoq. Tamanna 1. februaari 2024-mi politikikkut aalajangerneq malillugu pivoq, tassa Sermersuumi aqqissuussaalluartumik peqqinnissamik siuarsaanissaq pitsaaliuinissarluk pillugit ilutsumik ineriartortitsinissaq anguniarlugu.

Peqqinnermik Siuarsaanermut Pitsaaliuinnermullu Periusissiaq 2023 - 2030 Inuuneritta III-lu tunngavigalugit suleqatigiinnermi meeqqat inuusuttullu atugarissaarnerat peqqissusaallu pitsaanerulersinniarneqassapput. Islandimi iluseq Qeqqatalu Kommuneani misillitakkat, Kalaallit Nunaannut naleqqussarlugit iluseq suliarineqarpoq. Siunertaavoq aqqissuussaalluartumik peqqinnissamik siuarsaanissaq nunaqatigiinnut tamanut sammissasoq, sumiiffimmilu aallaveqassalluni.

Suliniut akuerineqassappat Paamiut inoqarfiillu Paamiunut atasut siulliullugit suliniuteqarfiussapput. Tamanna Paamiut Asasara 2.0 aallartinneqarneranut 2027-p aallartinnerani ilanngullugu aallartinneqassaaq. Suliniutit innuttaasut suliaqartullu suleqatigalugit najukkamut naleqqussagaassapput, ataavartumillu malinnaaffigineritigut pitsaassusaanik qulakkeerinnittoqartassaaq CFG-miillu paasissutissanik katersisoqassalluni. Isumaqatigiissut sinaakkusiisuvoq, kommunimi periusissiat aamma suleqatigiinnissamut isumaqatigiissut naapertorlugit pissutsit malillugit allanngorarsinnaalluni atuutsitsiartuaarlunilu ingerlatsinissamut tapersersuisuulluni. Illoqarfiit, inoqarfiillu taakkununga atasut suleqatigiinnissamut isumaqatigiisummi ilutsumut ilaatinneqassapput, tasanilu piffinni tamani ingerlatsisoqassalluni, aallartitsisoqartarlunilu ukiut marluk ingerlaneranni assigiinngitsutigut ukkatarineqartarumaarpoq.

Ingerlatsivimmit aningaasatigut sulisoqarnikkullu naliliinerit

Pilersaarutip ingerlannissaanut immikkut politikikkut aningaasaliisoqarnissaa apeqqutaassaaq, missingersuutaareersuniillu aallartisarneqarsinnaanngilaq. Taamaattumik 2027-mut missingersuutitut immikkut missingersuutitut siunnersuuteqartoqassaaq.

Suliniummik aqutsisutut atorfirmut aningaasatigut pisariaqartitsisoqassaaq (ukioq tamaat suliffik ataaseq), ataatsimiinnernik workshopperit sinerillu ingerlatsinerit kiisalu angalanerut aningaasartuutit. Angalasarnissat naatsorsuutigineqarput illoqarfinnut ukiumut pingasuusarnissaat inoqarfinnullu ukiumut marluusarnissaat. Najukkani sulisooreersut akornanni najukkami

akisussaasutut toqqaasoqarnissaa pilersaarutaavoq taamaattumik immikkut aningaasaliisoqarnissaa pisariaqarani.

Ingerlatsivimmit suliniut kommuneqarfiup Peqqinnermik Siuarsaanermut Pitsaaliuinnermullu Periusissiaata piviusunngortinneqarnissaanut annertuumik tunniussaqaassasoq nalilerneqarpoq.

Tamanna pillugu inaarutaasumik aningaasaliisoqarnissaa qulakkeertinnagu suleqatigiinnissamut isumaqatigiissut atuutilersinneqassanngilaq. 2027-mut missingersuutini akuersissutigineqassappat 2027-imi januaarip aallaqqaataani aallartinneqarnissaa naatsorsuutaavoq.

Missingersuusiornermut Naatsorsuusiornermullu Immikkoortortamit aningaasatigut nalillineq
Oqaaseqaatissaqanngilaq.

Inatsisitigut tunngavissaq allakkallu tunngaviusumik uppersaattillit

- Kommuneqarfik Sermersuumi kommunalbestyrelsimi 2025-miit 2029-mut Inuit Ataqatigiit aamma Demokraatit suleqatigiinnissamik isumaqatigiissutaat
- Meeqqanik inuusuttunillu suliasaqarfimmi Peqqinnermik Siuarsaanermut Pitsaaliuinnermullu Periusissiaq 2023-2030
- Kommuneqarfik Sermersuup aamma Timersoqatigiit Kattuffiata akornanni suleqatigiinnissamik isumaqatigiissut 2023-2027
- Inuuneritta III

Siusinnerusukkut aalajangiinerit

Meeqqanut, Ilaqutariinnut Atuartitaanermullu Ataatsimiititaq, 21.05.24:
Ilisimatitsissut tusaatissatut tiguneqarpoq.

Aningaasaqarnermut Inuussutissarsiornermullu Ataatsimiititaq, 20.08.26:
Ilisimatitsissut tusaatissatut tiguneqarpoq.

Ilanngussat

1. KS Peqatigiinnissamut isumaqatigiissut 2026

Atuartut angerlarsimaffiannut immikkoortumut pilersaarummi suliniutinut killiffik 2026

Ilisimatitsissut

SagsID.: EMN-2026-01336

Meeqqanut Atuarfeqarnermullu Ingerlatsivik – pisortaq Tina Evaldsen / TIAL

Inassuteqaat

Aningaasaqarnermut Inuussutissarsiornermullu Ataatsimiititamit Kommunalbestyrelsimut inassuteqaatigineqarpoq:

1. ilisimatitsissut tusaatissatut tiguneqassasoq

Suliamik saqqummiussineq

Kommunalbestyrelsip oktobarip ulluisa tallimaanni 2021-mi Kommuneqarfik Sermersuumi Atuartut angerlarsimaffiannut Immikkoortumut pilersaarut akuersissutigaa. Atuartut angerlarsimaffiinnik neqeroorutit taavalu pitsaassusaasa inerisarneqarnissaat immikkoortumut pilersaarummi siunertaavoq, taannalu Nuummi atuartut angerlarsimaffiinnut 20-nik sukumiisunik suliniuteqarfinnik aamma Tasiilami atuartut angerlarsimaffiinnut 22-nut sukumiisunik suliniutinik imaqartinneqarpoq. Immikkoortumut pilersaarut ukiut tamaasa malinnaavigineqartassasoq, piviusumilli ukioq allortarlugu pisartooq, immikkoortumut pilersaarummi takuneqarsinnaavoq. Meeqqanut Atuarfeqarnermullu Ingerlatsivimmi atuarfeqarnermut immikkoortortamiit Nuummi aamma Tasiilami kommunip atuartut angerlarsimaffiini aqutsisut peqatigalugit 2026-mi februaarip qaammataani immikkoortumut pilersaarut kingullermik malinnaavigineqarpoq.

Immikkoortumut pilersaarummit suliniutit kiisalu 2024-mi malinnaaviginninnerup siulianiilli allanngoriarfiusut killiffiisa pingaarnertut nutarterneqarneri tulinnguuttumiipput.

Nuummi atuartut angerlarsimaffianni suliniutit killiffiat

Nuummi atuartut angerlarsimaffianni immikkoortumi pilersaarummi suliniutissanit 20-nit 16-it aallartermingikkunik naammassineqareerput.

Atuartut Nuummi atuartut angerlarsimaffianniittut Atuarfik Inussummi aallartittassasut maanna aalajangersimasuuvooq, taamaalillutik atuarfimmi ataatsimi atualertarlutik. Mentoreqartitsinermi atuartunut aalajangersimasumik pisarpoq, tassanilu nerisassiornermi aamma nerisanut pilersaarutitut sunniuteqarlutik peqataasarlutik. Atuartut meeqqat atuarfiannit anigunik misilitsinnerminnullu naammassinnikkunik pilersaarutaat kiisalu misilitsittarneri pillugit paasissutissanik katersineq unittoqqavoq. Paasissutissanik katersinissamut nalunaaruteqartarnissamut immersuiffissaliortoqassaaq suliniutillu taakkua atuutilersinneqarnissaannut ukkataqarneq ingerlatiinnarneqassalluni. Meeqqanut Atuarfeqarnermullu Ingerlatsivimmi peqqinnermut pitsaaliuinnermullu siunnersortit peqatigalugit pimmatiginnittarnerup akiornissaanut periusissiaq nangittumik suliarineqassaaq.

Tasiilami atuartut ineqarfiat pillugu killiffik

Tasiilami atuartut angerlarsimaffianni maani immikkoortumi pilersaarummi suliniutissanit 22-nit 17-it aallartermingikkunik naammassereerput.

Nerisaqarnermut aqqiissut pillugu suleqatigiinneq pisiortorfigisamut nutaamut atuartut angerlarsimaffiannut nerisanut pilersaarummik ataavartumik nassiussisartumut ingerlateqqinneqarpoq, aamma pilersaarusiornermi najugaqartut siunnersuisooqatigiivisa peqataatinneqartarnissaat sulissutigineqarpoq. Tasiilami atuartunut angerlarsimaffimmik nutaamik sanaartortoqassanngitsoq peqataanik aalajangerneqarpoq.

Sulinerup ingerlaqqinnera

Immikkoortumut pilersaarummi suliniutit amerlanerpaartaat aallartinneqariingikkunik atuartut angerlarsimaffiini marluusuni naammassineqareertarput. Taamaattorli suliniutit sisamat suli aallartinneqanngillat. Pineqartut tassaapput suliffeqarfitsialaap oqaasertalersornissaa, aqutsisut atuuffiisa nassuiaataat, perorsaanikkut naleqartitaliorneq kiisalu atuartut angerlarsimaffiisa pulaarnissamut piareersaatissat iluanni aningaasanik piareersarneq.

Taamaattumik suliniutit pineqartut aallartisarnissaat naammassineqarnissaalluunniit Meeqqanut Atuarfeqarnermullu Ingerlatsivimmi atuarfeqarnermut immikkoortortamit ukkatarineqassapput. Atuartut angerlarsimaffiini marluusuni aqutsisut ataatsimoortinnissaat aamma suliniutit aallartisarneqanngitsut naammassineqanngitsulluunniit ukiup naannginnerani immikkut ittumik sammisaqartissallugit pilersaarutaavoq. Tamatuma saniatigut immikkoortumut pilersaarut naliliivigeqqinneqassanersoq nutarterneqassanersorluunniit Atuarfeqarnermut immikkoortortamiit misissuataarneqassaaq.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaataillit

- Kommuneqarfik Sermersuumi atuartut ineqarfiinut immikkoortumut pilersaarut 2021
- Atuariatortunut atuartut angerlarsimaffianiititsisarneq pillugu Namminersorlutik Oqartussat nalunaarutaat nr. 76, 21. december 2021-meersoq

Siusinnerusukkut aalajangiinerit

Meeqqanut, Ilaqutariinnut Atuartitaanermullu Ataatsimiititaq, 21.05.24:

Ilisimatitsissut tusaatissatut tiguneqarpoq.

Aningaasaqarnermut Inuussutissarsiornermullu Ataatsimiititaq, 20.08.26:

Ilisimatitsissut tusaatissatut tiguneqarpoq.

Ilanngussaq

1. Tasiilami atuartunut angerlarsimaffimmik killiffik - februaari 2026
2. Nuummi atuartunut angerlarsimaffimmik killiffik - februaari 2026

Immikkoortup ilaanut 1C3 – Aqqusinersuup eqqaani qitiusoqarfimmut kommunimi pilersaarummut tapiliussaq nr. 14-itut siunnersuutip tamanut tusarniutigineqarnera

Ilisimatitsissut

SagsID.: EMN-2025-03866

Sanarfinermut Avatangiisinullu Ingerlatsivik – pisortaq Søren Pedersen / SOSO

Inassuteqaat

Aningaasaqarnermut Inuussutissarsiornermullu Ataatsimiititamit Kommunalbestyrelsimut inassuteqaatigineqarpoq:

1. Ilisimatitsissut tusaatissatut tiguneqassasoq

Suliamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut nr. 14 saqqummiunneqarpoq.

Immikkoortup ilaanut tamarmut immikkuualuttut killeqarfiinut tunngasut nutarsarnissaat kiisalu immikkoortup ilaata qitiusoqarfittut sukisaarsaartarfittut atornissaanut aalajangiinissap aalajangersarnissaa siunertaralugu kommunimut pilersaarummut tapiliussaq suliarineqarpoq.

Kommunimut pilersaarummut tapiliussap nr. 14-ip illoqarfimmut pilersaarummut 1C3-B-p Dronning Ingridsvvej ilaatut suliarineqassaaq, tassanilu immikkuualuttup 1C3-B-mut aalajangersakkat sukumiisut aalajangersarneqarlutik. B-1439-mut aamma B-2060-imut nunaminertamik atuisussaataasup kissaatigimmagu illut pioreersut isatarnissaat kiisalu ulluinnarni niuertarfittut akunnittarfittullu ataatsimoortillugit sananissaat kissaatigimmagu.

Siunnersuut sapaatip-akunnerini arfineq pingasuni tamanut tusarniaassutigineqassaaq.

Matumani siunnersuut kommunimut pilersaarummut tapiliussaq nr. 14-i akuersissutigineqarpat immikkoortup ilaani 1C3-mi pingaarnertut aalajangersakkat atorunnaassapput, Kommunimut pilersaarut 2036 innersuussutigalugu. Ilanngussaq 1 takuuk.

Ingerlatsivimmit aningaasatigut sulisoqarnikkullu naliliinerit

Ingerlatsivimmi Kommunimut pilersaarummut tapiliussamik suliaqarnissami ukioq naallugu suliffiit 1/4 pisariaqartinneqassasut nalilernerqarpoq.

Missingersuusiornermut Naatsorsuusiornermullu Immikkoortortamit aningaasatigut nalililneq

Pisariaqanngilaq.

Inatsisitigut tunngavissaq allakkallu tunngaviusumik uppersarsaatillit

- Pilersarusiorneq aamma nunaminertat atorneqartarnerat pillugit Inatsisartut inatsisissaannik nalunaarut nr. 4, 25. januaari 2024-meersoq.
- Kommunimut pilersaarut digitaliusoq www.kp.sermersooq.gl

Siusinnerusukkut aalajangiinerit



Aningaasaqarnermut Inuussutissarsiornermullu Ataatsimiititaq 20.08.26:

Sanarfinermut Avatangiisinullu Ingerlatsivimmit Aningaasaqarnermut Inuussutissarsiornermullu Ataatsimiititamut inassuteqaatigineqarpoq:

1. kommunimut pilersaarummut tapiliussassatut siunnersuutip nr. 14-ip sapaatip-akunnerini arfineq pingasuni tamanut tusarniaassutigineqarnissaa akuersissutigineqassasoq
2. suliaq ilisimatitsissutitut Kommunalbestyrelsimut ingerlateqqinneqassasoq

Inassuteqaat akuersissutigineqarpoq.

Ilanngussaq

1. Allannguutitut takussutissaq
2. Kommunimut pilersaarummut tapiliussassatut siunnersuut nr. 14



Illoqarfiup ilaanut pilersaarutitut siunnersuut 1C3-B - Dronning Ingridsvej pillugu tamanut tusarniaaneq

Ilisimatitsissut

SagsID.: EMN-2025-03866

Sanarfinermut Avatangiisinullu Ingerlatsivik – pisortaq Søren Pedersen / SOSO

Inassuteqaat

Aningaasaqarnermut Inuussutissarsiornermullu Ataatsimiititamit Kommunalbestyrelsimut inassuteqaatigineqarpoq:

1. Ilisimatitsissut tusaatissatut tiguneqassasoq

Suliamik saqqummiussineq

Sanarfinermut Avatangiisinullu Ingerlatsivimmit illoqarfiup ilaanut pilersaarutitut siunnersuut 1C3-B – Dronning Ingridsvej matumuuna saqqummiunneqarpoq.

Illoqarfiup ilaanut pilersaarut 1C3-B suliarineqarpoq B-1439-mut aamma B-2060-imut nunaminertamik atuisussaataasup kissaatigimmagu illut pioreersut isaternissaat kiisalu ulluinnarni niuertarfittut akunnittarfittullu ataatsimoortillugit sananissaat. Kommunimut pilersaarut 2036 naapertorlugu, immikkuualuttumut B-mut illoqarfiup ilaanut pilersaarummik nutaamik suliaqartoqassaaq, nutaamik sanaartortoqalinnginnerani.

Illoqarfiup ilaanut pilersaarut kommunimut pilersaarummut tapiliussamut nr. 14-imut atatillugu suliarineqassaaq, Aningaasaqarnermut Inuussutissarsiornermullu Ataatsimiititamilu suliarineqassalluni.

Siunnersuut sapaatip-akunnerini arfineq pingasuni tamanut tusarniaassutigineqassaaq.

Matumani illoqarfiup ilaanut pilersaarutitut siunnersuut 1C3-B Dronning Ingridsvej pillugu akuersissuteqarneratigut illoqarfiup ilaanut pilersaarutiniq pioreersunik atorunnaartoqanngilaq.

Ingerlatsivimmit aningaasatigut sulisoqarnikkullu naliliinerit

Ingerlatsivimmi Kommunimut pilersaarummut tapiliussamik suliaqarnissami ukioq naallugu suliffiit 1/4 pisariaqartinneqassasut nalilerneqarpoq.

Missingersuusiornermut Naatsorsuusiornermullu Immikkoortortamit aningaasatigut nalilineq

Pisariaqanngilaq.

Inatsisitigut tunngavissaq allakkallu tunngaviusumik uppersaatsatillit

- Pilersaarusiorneq aamma nunaminertat atorineqartarnerat pillugit Inatsisartut inatsisissaannik nalunaarut nr. 4, 25. januaari 2024-meersoq.
- Kommunimut pilersaarut digitaliusoq www.kp.sermersooq.gl

Siusinnerusukkat aalajangiinerit

Teknikkeqarnermut Avatangiisinullu Ataatsimiititaq, 05.08.26:

Inassuteqaat akuersissutigineqarpoq.



Aningaasaqarnermut Inuussutissarsiornermullu Ataatsimiititaq, 20.08.26:

Teknikkeqarnermut Avatangiisinullu Ataatsimiititamit Aningaasaqarnermut Inuussutissarsiornermullu Ataatsimiititamut inassuteqaatigineqarpoq:

1. illoqarfiup ilaanut pilersaarummut 1C3-B-mut siunnersuut Dronning Ingridvej sapaatip-akunnerini arfineq-pingasuni tamanut tusarniaassutigineqarnissaa akuersissutigineqassasoq
2. suliaq Kommunalbestyrelsimut ilisimatitsissutitut ingerlateqqinneqassasoq

Inassuteqaat akuersissutigineqarpoq.

Ilanngussaq

1. Allannguutitut takussutissaq
2. Illoqarfiup ilaanut pilersaarutitut siunnersuut 1C3-B – Dronning Ingridvej

Kommunimut pilersaarummut tapiliussaq nr. 16, 4B5 - Isuliffik, Nuuk pillugu tamanut tusarniaaneq

Ilisimatitsissut

SagsID.: EMN-2026-01675

Sanarfinermut Avatangiisinullu Ingerlatsivik – pisortaq Søren Pedersen / SOSO

Inassuteqaat

Aningaasaqarnermut Inuussutissarsiornermullu Ataatsimiititamit Kommunalbestyrelsimut inassuteqaatigineqarpoq:

1. Ilisimatitsissut tusaatissatut tiguneqassasoq

Suliamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut nr. 16, immikkoortup ilaanut 4B5 - Isuliffik , Nuuk, matumuuna saqqummiunneqarpoq.

Kommunimut pilersaarummut tapiliussaq Aningaasaqarnermut Akileraartarnermullu Naalakkersuisoqarfimmi Inatsisilerinermut Nunalu tamakkerlugu pilersaarusiornermut Immikkoortortaqaqarfimmit naammagittaalliummut suliamik aalajangiinera, Kommuneqarfik Sermersooq Isuliffimmi angerlarsimaffeqanngitsunut najugaqarfittut neqeroorutitut pilersinneqarsimasumik inatsisit malillugit aaqqiissuteqarnissaanut peqquneqarneranut tunngasoq, tunngavigalugu suliarineqarpoq.

Kommunimut pilersaarummut tapiliussami immikkoortup ilaanut, tassunga ilanngullugu atorneqarneranut siunertaanullu, pingaarnertut aalajangersakkat aalajangiunneqartarput. Kommunimut pilersaarummut aalajangersakkanut allaffissornikkut immikkut ittumik akuersissuteqartoqarsinnaanngimmat kommunimut pilersaarummut tapiliussamik suliaqarnissaq pisariaqarpoq.

Kommunimut pilersaarummut tapiliussami sanaartorfissaq 23-mi utaqqiisaasumik angerlarsimaffeqanngitsunut najugaqarfittut neqeroorutiliornissaq periarfissiissutigineqarnissaa siunertaavoq. Pilersaarummut tapiliussami matumani piffissami killilimmi utaqqiisaasumut atuisinnaaneq kisimi akuersissutigineqarpoq. Sanaartorfissaq 23-p najugaqarfittut neqeroorutitut atorneqarunnaarpat immikkoortoq inuussutissarsiutinik ineriartortitsinermut atorneqassaaq.

Ingerlatsivimmit aningaasatigut sulisoqarnikkullu naliliinerit

Matumani kommunimut pilersaarummut tapiliussamik suliaqarneq pilersaarusiornermut immikkoortortap suliaanut ilaallunilu ukioq naallugu suliffiit 1/10-at pisariaqartinneqassasut nalilerneqarpoq.

Missingersuusiornermut Naatsorsuusiornermullu Immikkoortortamit aningaasatigut nalililneq

Oqaaseqaateqartoqanngilaq.

Inatsisitigut tunngavissaq allakkallu tunngaviusumik uppersaatiillit

- Pilersaarusiorneq aamma nunaminertat atorneqartarnerat pillugit Inatsisartut inatsisissaannik nalunaarut nr. 4, 25. januaari 2024-meersoq.
- Kommunimut pilersaarut digitaliusoq www.kp.sermersooq.gl

Siusinnerusukkut aalajangiinerit

Aningaasaqarnermut Inuussutissarsiornermullu Ataatsimiititaq 20.08.26:

Sanarfinermut Avatangiisinullu Ingerlatsivimmit Aningaasaqarnermut Inuussutissarsiornermullu Ataatsimiititamut inassuteqaatigineqarpoq:

1. kommunimut pilersaarummut tapiliussatut siunnersuut nr. 16, 4B5 - Isuliffik, Nuuk, sapaatip akunnerini arfinilinni tamanut tusarniaassutigineqarnissaa akuersissutigineqassasoq
2. suliaq Kommunalbestyrelsimut ilisimatitsissutitut ingerlateqqinneqassasoq

Inassuteqaat akuersissutigineqarpoq.

Ilanngussaq

1. Kommunimut pilersaarummut tapiliussassatut siunnersuut nr. 16, 4B5 - Isuliffik, Nuuk
2. 28-04-2026 Aningaasaqarnermut Akileraartarnermullu Naalakkersuisoqarfimmi Inatsisilerinermut Nunalu tamakkerlugu pilersaarusiornermut Immikkoortortaqaqarfimmit aalajangiunneqartoq



Illoqarfiup ilaanut pilersaarutitut siunnersuut 4B5-B Isuliffik pillugu tamanut tusarniaaneq

Ilisimatitsissut

SagsID.: EMN-2025-00492

Sanarfinermut Avatangiisinullu Ingerlatsivik – pisortaq Søren Pedersen / SOSO

Inassuteqaat

Aningaasaqarnermut Inuussutissarsiornermullu Ataatsimiititamit Kommunalbestyrelsimut inassuteqaatigineqarpoq:

1. Ilisimatitsissut tusaatissatut tiguneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit illoqarfiup ilaanut pilersaarutitut siunnersuut 4B5-B Isuliffik matumuuna saqqummiunneqarpoq.

Nuummi inuussutissarsiateqartut illoqarfiup sinneraniittut assigalugit ineriartorfiupput, inuussutissarsiateqartunullu nunaminertanik sanaartortussaataitaneermik piumasaqaateqarfiunngitsunik noqqaasoqarpoq. Kommuneqarfik Sermersuumi Kommunalbestyrelsimut Kommunimut pilersaarut 2036 aqqutigalugu pingaartinneqarpoq Nuummi inuussutissarsiateqartut pitsanngorsaaviginissaat periarfissaannillu siuarsaaviginissaat. Illoqarfiup ilaanut pilersaarut una aqqutigalugu suliamut iluaqutaassaaq.

Illoqarfiup ilaanut pilersaarummi immikkoortumi ullutsinnut naapertuuttumik ineriartortitsinissamik qulakkeerinninnissaq siunertarineqarpoq, tassani inuussutissarsiorturnut atorneqartussanik nunaminertanik inissiivissanik nutaanik atungassiisoqarluni. Immikkualuttoq B inissiivissatut nunaminertamat atugassanngortinneqarpoq, tassani Nuummi inuussutissarsiateqartut inissiinissaminut pisariaqartitaat annertusiartortoq naammassineqassalluni. Maskiinanik sanaartornermilu atortussanik inissiinissamat immikkut pisariaqartitsineq isiginiarneqarpoq, tamanna nunaminertani inaaliiviusuni sanaartornissamat piumasaqaateqartoqannginnissaanik piumasaqaateqarfiuvoq.

Matumani Kommunimut pilersaarummut tapiliussassatut siunnersuutip akuersissutigineqarneratigut pilersaarutini atorunnaarsitsisoqassanngilaq. Siunnersuut sapaatip akunnerini arfinilinni tamanut tusarniaassutigineqassaaq.

Ingerlatsivimmit aningaasatigut sulisoqarnikkullu naliliinerit

Ingerlatsivimmi immikkoortumut pilersaarummik siunnersuummik suliaqarnissami ukioq naallugu suliffiit 1/4 pisariaqartinneqassasut nalilerneqarpoq.

Missingersuusiornermut naatsorsuusiornermullu immikkoortortamit aningaasatigut nalililneq

Pisariaqanngilaq.

Inatsisitigut tunngavissaq allakkallu tunngaviusumik uppersarsaatillit

- Pilersaarusiorneq aamma nunaminertat atorneqartarnerat pillugit Inatsisartut inatsississaannik nalunaarutaat nr. 4, 25. januar 2024-meersoq
- Kommunimut pilersaarut digitaliusoq www.kp.sermersooq.gl



Siusinnerusukkut aalajangiinerit

Teknikkeqarnermut Avatangiisinullu Ataatsimiititaq, 05.08.26:

Inassuteqaat akuersissutigineqarpoq.

Aningaasaqarnermut Inuussutissarsiornermullu Ataatsimiititaq, 20.08.26:

Teknikkeqarnermut Avatangiisinullu Ataatsimiititamit Aningaasaqarnermut

Inuussutissarsiornermullu Ataatsimiititamut inassuteqaatigineqarpoq:

1. Illoqarfiup ilaanut pilersaarutitut siunnersuut 4B5-B Isuliffik sapaatip-akunnerini arfinilinni tamanut tusarniaassutigineqarnissaa akuersissutigineqassasoq
2. suliaq Kommunalbestyrelsimut ilisimatitsissutitut ingerlateqqinneqassasoq

Inassuteqaat akuersissutigineqarpoq.

Ilanngussat

1. Illoqarfiup ilaanut pilersaarut 4B5-B Isuliffik pillugu siunnersuut

4B1-B-mi inissiivimmut nunaminertamik atuineq – Naternaq, Qinngorput

Ilisimatitsissut

SagsID.: EMN-2025-00493

Sanarfinermut Avatangiisinullu Ingerlatsivik – pisortaq Søren Pedersen / SOSO

Inassuteqaat

Aningaasaqarnermut Inuussutissarsiornermullu Ataatsimiititamit Kommunalbestyrelsimut inassuteqaatigineqarpoq:

1. Ilisimatitsissut tusaatissatut tiguneqassasoq

Suliamik saqqummiussineq

Nunaminertaq inissiivik nutaaq immikkoortup ilaani 4B1-mi Naternami inissisimasooq, kommunimi inissiivittut atulernissaanut sanaartorfissagissarneqassasoq Sanarfinermut Avatangiisinullu Ingerlatsiviup siunnersuutigaa.

Namminerisamik containerinut aammalu ukiumi umiatsianut inissiiviit inissaat killeqarput aammalu maannakkumut imaluunniit siunissami pisariaqartitsinerimut naatsorsuutigisamut naapertuutigani. Maannakkut kommunimi inissiiviit inissisimaffii illoqarfiup ineriartortinnissaanut atugassami annermi inissisimapput, matumani Qeqertani aamma Eqalugalissuarni inissiivinnut nunaminertat ilanngullugit - ilanngussaq 1 takuuk. Tamannalu kommunimi inissiiviit siunissami killeqarnerulernissaannut sunniuteqaqataassaaq.

Sanarfinermut Avatangiisinullu Ingerlatsivimmit illoqarfiup ilaanut pilersaarut 4B1-B suliarineqarpoq, tassani nunaminertaq inissiivissaq annertoq atugassanngortinneqarluni. Illoqarfiup ilaanut pilersaarummi nunaminertanut inissiivissat kommunimi inissiivissamik pisariaqartitsinerit naammassilluarsinnaassagaat ilimagineqarpoq, tamannalu isumaqarpoq kommune containerinut inissiivissanik aammalu ukiumi umiatsianut inissiivissanik Nuummi neqerooruteqaannarsinnaasoq.

Suliffeqarfiit inissiiviannik angisuumik assingusumik kiffartuussinissamik kissaateqarlutik, Inuussutissarsiortut namminersortut nalunaarutigaa. Nuummi inuussutissarsiortut suliaasaq tamanna kivissinnaassagaat ilimagineqarpoq. Kissaatigineqarpat kommunimit namminersorlutik inuussutissarsiutillit akornanni makitsinikkut 4B1-B-mi nunaminertaq inissiivissaq atugassanngortinneqarsinnaavoq. Tamannalu sanaartornermi ingerlatsinermilu aningaasartuutaasut umiatsiamik containerinillu piginnittut ataasiakkaat aningaasartuutiginagu namminersorlutik inuussutissarsiutilinnit aningaasartuutigineqassaaq. Kingunerisinnaavaalu umiatsiat containerillu illoqarfimmi sumiiffimmut allamut nunaminertamut akuersissuteqarfiunngitsumut inissinneqarneri, tamannalu illoqarfiup isikkuanik ajornerulersitsisinnaavoq aammalu nakkutilliinermut immikkoortortaqaarfik suliaasaanik oqimaannerulersitsisinnaalluni - Angallannermut Nakkutilliinermullu Immikkoortortaqaarfimmit kingunerisasaanik naliliineq ilanngussaq 2-mi takuuk.

Ingerlatsivimmit aningaasatigut sulisoqarnikkullu naliliinerit

Kommunimit inissiivittut atorineqaralarpat imaluunniit namminersorlutik inuussutissarsiutilinnut atugassanngortinneqaralarpat, nunaminertanik inissiivissanik sanaartorfissagissaaneq kommunimit sanaartorfissagissaanermi aningaasartuutigineqartunut atassuteqarpoq.

Nunaminertamik atuisussap sanaartorfissagissaanermut akileraarummik akiliineratigut imaluunniit kommune containerinut umiatsianullu inissiivinnik attartortitsineratigut sanaartorfigissaanermi aningaasartuutit utertinneqassapput.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaataillit

- Pilersaarusiorneq aamma nunaminertat atorineqartarnerat pillugit Inatsisartut inatsisissaannik nalunaarut nr. 4, 25. januaari 2024-meersoq.
- Kommunimut pilersaarut digitaliusoq www.kp.sermersooq.gl

Siusinnerusukkut aalajangiinerit

Teknikkeqarnermut Avatangiisinullu Ataatsimiititaq, 05.08.26:

Inassuteqaat akuersissutigineqarpoq.

Aningaasaqarnermut Inuussutissarsiornermullu Ataatsimiititaq 20.08.26:

Teknikkeqarnermut Avatangiisinullu Ataatsimiititamit Aningaasaqarnermut

Inuussutissarsiornermullu Ataatsimiititamut inassuteqaatigineqarpoq:

1. Nunaminertaq inissiiviusoq 4B1-B-mi inissisimasoq kommunimi inissiivittut atornissaa siunertaralugu sanaartorfigissarneqarnissaa akuersissutigineqassasoq.
2. suliaq Kommunalbestyrelsimut ilisimatitsissutitut ingerlateqqinneqassasoq

Inassuteqaat akuersissutigineqarpoq.

Ilanngussaq

1. Kommunimit nunaminertat inissiivissat
2. Angallannermut Nakkutilliinermullu Immikkoortortamiit kingunerisassaanik naliliineq

Missingersuutiniq nakkutilliineq, kvartalip aappaat 2026

Illassutitut aningaasaliissutit (TB I)

Aalajangiiffigisassaq

SagsID.: EMN-2024-01487

Pisortaqatigiit allatseqarfiat – Kommunaldirektøri Ole Jakobsen / OJAK

Suliffeqarfiup Iluani Kiffartuussivik - vicekommunaldirektøri Marie Fleischer / MAFL

Meeqqanut Atuarfeqarnermullu Ingerlatsivik – pisortaq Tina Evaldsen / TIAL

Meeqqanut Ilaqutariinnullu Ingerlatsivik – pisortaq Frederik Lundblad / FREL

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Sanarfinermut Avatangiisinullu Ingerlatsivik – pisortaq Søren Sohn Krog Pedersen / SOSO

Inassuteqaat

Aningaasaqarnermut Inuussutissarsiornermullu Ataatsimiititamit Kommunalbestyrelsimut inassuteqaatigineqarpoq:

1. ilassutitut aningaasaliissutit, aningaasaliissutissatut kiisalu allatut pingaarnersuiuinissamut siunnersuut, ilanngussat 2-4 innersuussutigalugit, akuersissutigineqassasut

Suliassamik saqqummiussineq

Kommuneqarfik Sermersuumi 2026-mi ukiup affaani siullermi atuineq ingerlatsivinnit misissorneqarpoq. Misissuineq taanna ilanngussami 1-imi takuneqarsinnaavoq.

Missingersuutiniq malinnaaviginninnermut atatillugu siunertat akornanni aningaasaliissuteqarnerunissaq nuussinissallu ingerlatsivinnit qinnutigineqarput.

Ingerlatsivinnit ataasiakkaanit qinnuteqaatit taakku takussutissartaat ilanngussaq 2-mi aamma ilanngussaq 3-mi allassimapput.

Ilanngussaq 4-mi Kommuneqarfik Sermersuumi missingersuutit inissinnerat allassimapput.

Inassuteqaatit akuersissutigineqarpata 2026-mi aningaasaliissutitigut kinguneqataasussat tulluuttumi allassimapput.

2026-mi aningaasaliissutitigut allannguutit

Ingerlatsivik	mio. kr.
Kommunaldirektørip suliassaqarfia	12,8
Suliffeqarfiup Iluani Kiffartuussivik	13,5
Suliffeqarnermut Isumaginninnermullu Ingerlatsivik	34,0
Meeqqanut Ilaqutariinnullu Ingerlatsivik	3,1
Meeqqanut Atuarfeqarnermullu Ingerlatsivik	-6,7
Sanarfinermut Avatangiisinullu Ingerlatsivik	7,1
Ataatsimut aningaasartuutit	-25,0
Sanaartugassanut Iluarsagassanullu Aningaasaateqarfik	-38,7
Katillugit	0,0

Aningaasanik ikilineri aappaluttumik nalunaaqutsigaapput. Allannguutit katillugit 0,0 mio. koruuninut oqimaaqatigiissinneqarput.

Illassutitut aningaasaliissutit ukioq mannamut taamaallaat atuummata, nuussinerrillu ukiunut missingersuusiortinnut inissinneqassammata, qinnuteqaammi allassimappata, erseqqissaassutigineqassaaq.

Missingersuutitigut aningaasalersuineq

Kommunimi 2026-mut missingersuutit missingersuutitigut annerpaaffissaannut

inissinneqarsimapput, 2026-mut missinnngersuutitigut inissitsiterinermut nalunaarut

innersuussutigalugu (2.488 mio.kr.). Taamaattumik aningaasaliissutissatut qinnuteqaatit tamarmik akuersissutigineqassappata missingersuutini nussuineq pisariaqarpoq.

Ilanngussaq 2 innersuussutigalugu missingersuutitigut aningaasalersuineq aningaasaateqarfimmi pilersaarutit pingaarnersiorneqarnerat 2026-miit 2028-mut (38,7 mio.kr) nuunneqarnissaat kiisalu missingersuutini sillimmatitut immikkoortinneqarsimasut 25 mio. koruunit atulersinneqarnissaat siunnersuutaavoq.

Kommunaldirektør ip suliassaqaarfia: qinnuteqaatit pingaarnert

Siammarterineq atorfinitsitsinernik kinguneqarsimavoq, tassa missingersuutaasimangitsunik aningaasartuuteqartoqarpoq. Tamatuma saniatigut nalinginnaasunik qamutunik motorilinnik nalinginnaasunik aamma sulinermut qamutunik motorilinnik kissaateqartoqarpoq. Tassunga atatillugu kukkusumik Nuummiit Paamiunut Tasiilamullu arlalinni missingersuutini nuussisoqarsimangilaq, taamalu suliassaqaarfiit ilaanni missingersuuteqarsimanatik. Tamatuma saniatigut qarasaasiatigut ajutoorneq atuineramik malinnaaviginninnermut ajornakusoortitsisimavoq. Teknikkikkut ajornartorsiutit ilanngutinngikkaluarlugilluunniit siammarterineq aningaasartuuteqarnermik kinguneqartussaavoq.

TB2-mut atatillugu aningaasaliissutit atuinerlu isumatusaartumik ataqatigiinnersut sukumiisumik misissorneqassapput.

Suliffeqarfiup iluani Kiffartuussivik: qinnuteqaatit pingaarnert

Qarasaasiaqarnermut aningaasartuutit qarasaasiatigut ajutoorneq sioqqullugu unamminartooreerput, qarasaasiatigullu ajutoornermi amerlanerusunik naatsorsuutaasimangitsunik aningaasartuuteqarnermik kinguneqarsimavoq.

Tassunga ilanngullugu sulisoqarnermut akitsuutip qaffanneqarneranut (siornatigut inatsimmik atuutilersitsineq naapertorlugu) missingersuutitigut aningaasaliisoqarsimangilaq. Taamaattorli aningaasartuutit ilaat, inuussutissarsiteqartunit attartornermut isumaqatigiissutit, missingersuutini inuussutissarsiteqartunit attartornermut isumaqatigiissutini ikililerinikkut aningaasaliiffigineqarsinnaapput.

Suliffeqarnermut Isumaginninnermullu Ingerlatsivik: qinnuteqaatit pingaarnert

Aningaasartuutit pingaarnert tassaapput Suliffissarsiorturnut ikiorsiissutit, angerlarsimaffimmi ikiorteqarneq, utoqqaat illuinut aningaasartuutit aamma angerlarsimaffeqanngitsuuneq. Meeqqat innarluutilinnit aningaasaliissutit tunniunneqarput 2026-mi missingersuutaasimasunit aningaasartuutikinnerusoqarsimammat.

Suliffeqarnermut Isumaginninnermullu Ingerlatsivimmit 2026-mut 34 mio. koruunit miss. ilassutitut aningaasaliissutini qinnuteqartoqarpoq. Immikkoortut pingaarnert tassaapput: Inatsisitigut piumasaqaataasunut suliffissarsiorturnut ikiorsissutitut 5 mio. kr., tassani ilaatigut qarasaasiatigut unamminartut suliffissaaleqisullu amerlanerat ataavartumik atuinerunermik pilersitseqataasimapput - aningaasanillu tunniussuinermit sukannernerusumik aqutsinermit 0,8 mio. koruunit ilanngullugit. Utoqqaat pillugit suliassaqaarfimmut 14 mio. koruunit, tassani paaqqutarineqartariaqartut amerliartornerat utoqqaallu amerliartornerat utoqqaat illuannut tatisimanninnerinut (7 mio. kr.) aamma angerlarsimaffimmi ikiorteqarnermut (7 mio. kr.), pingaartumik sulisunut akunnermusialinnut immikkut ittumik sulisoqarsimanermut. Nuummi Paamiuni Tasiilamilu angerlarsimaffeqanngitsuuneq pillugu suliassaqaarfimmut 6,8 mio. kr. miss., tassani neqeroorutit nutaat (aqqusinermi ujartuillutik angalaartartoqatigiit, angerlarsimaffeqanngitsunut unnuisarfik aamma najugaqarnissamut sungiusarnek) nalingannut missingersuutit naleqqussarneqarsimanngimmata.

Meeqqanut Atuarfeqarnermullu Ingerlatsivik: qinnuteqaatit pingaarnert

Aningaasat atorineqanngitsut meeqqerivinnut kultureqarnermullu suliassaqaarfimmut utertinneqassapput. Ukiup affaa siullermi nalinginnaasumik annertuumik atuinikinnerusoqartarpoq. Taamaattorli IMAK-ip isumaqatigiissutaa 18 mio. koruuninik naleqarnissaa naatsorsuutigineqarpoq.

Meeqqanut Ilaqutariinnullu Ingerlatsivik: qinnuteqaatit pingaarnerit

Ingerlatsiviup suliassaqaarfiinut Ittoqqortoormiini sullissisumut ataatsimut kiisalu nerisaarnermut ineqarnermullu akiligassanut aningaasanik qinnuteqartoqarpoq.

Sanarfinermut Avatangiisinullu: qinnuteqaatit pingaarnerit

Nakkutilliinermut aningaasat amerlanerit kiisalu eqqaavilerinermut anartarfilerinermullu akigititanut allannguutitut aningaasaliissutitut qinnuteqartoqarpoq.

Ataatsimut aningaasartuutit

Missingersuutini sillimmatitut immikkoortinneqarsimasut 25 mio. koruunit atuutilersinneqarnissaat taamalu ilassutitut aningaasaliissutitut aningaasaliissutaaqataanissaat innersuussutigineqarpoq.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Missingersuutinit aamma naatsorsuutinit aningaasaqarnikkut naliliineq

Kommunip atuineranik misissuinerup takutippaa, aaqqiissutit akuerineqanngippata ukiuni tullittut missingersuutit maanna kommunip aningaasaqarnikkut inissisimaneranut naapertuutissanngitsut.

Illassutitut aningaasaliissutit akuerineqartut aammalu aningaasaateqarfimmi allatut pingaarnersuinerit akuerineqassappata 2026-mi siunertaq 2-16-ip iluanni kommunip ataatsimoortumik aningaasaliissutai taamaallit kommunimi missingersuutit akuerineqartut 2.488 mio. kr.-it iluanni attanneqarsinnaassapput.

Inatsisitigut tunngavissaq allakkallu tunngaviusumik uppersaattillit

- Kommunit missingersuusiortarnerat, aningaasanik tigorianaateqarnerat, naatsorsuutaat, kukkunersuisoqarnerat kiisalu karseqarnerat naatsorsuuseriveqarnerallu pillugit Namminersorlutik Oqartussat nalunaarutaat nr. 3, 3. februaari 2012-meersoq
- Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaata allannortinneqarnissaa pillugu Inatsisartut inatsisaat (Missingersuutit inissisimanerannik naatsorsueriaatsimik allannuineq, nammineq aningaasaatinik naleqqussaanissamut ataasiaannartumik akuersissut aamma pisortat ataatsimoorlutik qarasaasiaat pillugit malittarisassanik erseqqissaaneq) nr. 13, 1. decembari 2021-meersoq.

Siusinnerusukkat aalajangiinerit

Aningaasaqarnermut Inuussutissarsiornermullu Ataatsimiititaq 20.08.26:

Kommunimi sulianik siammarterineq pillugu ilanngussaq 2-mi immikkoortut R1 - R6 12,75 mio. kr.-usut akuersissutigineqarput.

Nuussinerit tamarmik akuerineqarput.

TB2 sioqqullugu TB1-mi aningaasaliissutitut kissaatinik novemberimi Aningaasaqarnermut Inuussutissarsiornermullu Ataatsimiititami Kommunalbestyrelsimilu oqaluuserineqartussanik misissueqqissaartoqassaaq nalilersuisoqassallunilu.

TB2-mi qinnuteqaatigineqartussanut tamanut aningaasalersuinissamut siunnersuusiortoqassaaq.

Ilanngussat

1. Missingersuutitik nakkutilliineq ingerlatsiviit suliassaqaarfii



2. Illassutissatut aningaasaliissutit, nuussuinerit aningaasaliissutillu pillugit takussutissiaq
3. Illassutitut aningaasaliissutininik nuussuinernullu qinnuteqaatinik erseqqissaaneq
4. 2026-mut angusat takussutissartaat nutartigaq

Sanaartorfissat 9-p aamma 10-p, Eqinga Nuuk, atugassiissutigineqarneri

Aalajangiiffigisassaq

SagsID.: EMN-2026-01533

Sanarfinermut Avatangiisinullu Ingerlatsivik – Søren Pedersen / SOSO

Inassuteqaatit

Aningaasaqarnermut Inuussutissarsiornermullu Ataatsimiititamit Kommunalbestyrelsimut inassuteqaatigineqarpoq:

1. sanaartorfissat 9-p aamma 10-p atugassiissutigineqarneri akuersissutigineqassasoq

Suliamik saqqummiussineq

Kommunalbestyrelsip septembarimi 2006-mi Nuummi immikkoortup ilaanut 4C4-mut kommunimut pilersaarummut tapiliussaq akuersissutigaa, piffissami akuersissussutigineqarnerani immikkoortup ilaa taaneqartoq 4D3-uvoq - Qinngutsinni Umiatsialivik Eqinga. Sanaartorfissat assigiinngitsunik siunertallit aqqutigalugit immikkoortup ineriartortinneqarnissaanut najoqqutassanik pilersitsinissaq pilersaarummut tapiliussamut siunertaavoq.

Kommunimut pilersaarummut tapiliussami sanaartorfissat katillugit qulit atugassiissutigineqarput. Taakkua amerlanersaat sanaartorfineqarput atorneqarlutillu, sanaartorfissallu 9 aamma 10 suli sanaartorfineqanngillat. Sanaartorfissat taakkua marluk pilersaarummi tamat kiffartuussassat atugassaattut atorneqartussatut atugassiissutigineqarput, soorlu *"unnuisarfiit, neriniartarfiit, café, saqqummersitsiviit kulturimi siunertanut assingusunut."* Tamatuma saniatigut pilersaarut illut initaanni qullerni inissianik pilersitsinissamut periarfissiivoq. Aalajangersakkat atuuttut naapertorlugit sanaartornermi immikkoortoq 28 qaangerneqassanngilaq. Ilutigalugu tunngaviummik nunap assingani illut tunorliit toqqavii immikkoortoq 28-p missaani inissisimasut takuneqarsinnaavoq, aamma taamaalilluni nutaamik sanaartorneq illut taakkua isikkiviinut sunniteqassanatik.

Naak pilersaarutit akuersissutigineqarnerat ukiut 20-ngajaat ingerlareeraluartut sanaartorfissat suli piviusunngortinneqanngillat. Taamaattumik sanaartorfissat atugassiissutigineqassanersut aamma Qinngutsinni ineriartornerup taperserneqarnissaa siunertaralugu nunaminertatut atorneqanngitsut saqqummiunneqarnissaat pillugu politikkikkut isummernissaq pisariaqartinneqartoq ingerlatsivimmit naliliisoqarpoq.

Sanaartorfissat atugassiissutigineqarneri immikkoortumi suliassaqarnerulersitsissaaq, umiatsialiviup eqqaani sukisaarsarnermi kulturikkullu neqeroorutitut nukittorsaassaaq kiisalu illoqarfimmi ineriartortitsiinnarnissamut tapertaassalluni. Taamaattumik ingerlatsivimmit sanaartorfissat 9-p aamma 10-p siunissami atugassiissutigineqarnissai pillugit ataatsimut politikkikkut aalajangiisoqarnissaa inassuteqaatigineqarpoq.

Ingerlatsivimmit aningaasatigut sulisoqarnikkullu naliliinerit

Sanaartorfissanik atugassiissutiginninneq sulisutigit imaluunniit aningaasatigut ingerlatsivimmut sunniteqartitsissanngilaq. Sanaartorfissanik taamaatitsinermi immikkoortumi pilersaarummik nutaamik suliaqarnissamut pisariaqartitsiffiulissaaq, tamannalu pilersaarusiordermi immikkoortortaarfimmi sulisunik ukioq naallugu atuneq 1/3-miissasoq naliliiffigineqarpoq.

Missingersuusiordermut Naatsorsuusiordermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Pilersarusiorneq aamma nunaminertat atorneqartarnerat pillugit Inatsisartut inatsisissaannik nalunaarut nr. 4, 25. januaari 2024-meersoq
- Kommunimut pilersaarut digitalusoq www.kp.sermersooq.gl
- Pilersarusiornermut periusissiaq 2023
- Illoqarfiit pingaarnersaat pillugu periusissiaq Nuuk 2035

Siusinnerusukkut aalajangiinerit

Teknikkeqarnermut Avatangiisinullu Ataatsimiititaq, 05.08.26:

Inassuteqaat akuersissutigineqarpoq.

Aningaasaqarnermut Inuussutissarsiornermullu Ataatsimiititaq 20.08.26:

Inassuteqaat akuersissutigineqarpoq.

Ilanngussaq

1. Nunap assinga ilanngussaq
2. Eqinganut pilersaarummut tapiliussaq atuuttoq



Illu aalaffiusoq Nuussuaq, Nuuk

Aalajangiiffigisassaq

SagsID.: EMN-2025-03210

Sanarfinermut Avatangiisinullu Ingerlatsivik – pisortaq Søren Pedersen / SOSO

Meeqqanut Atuarfeqarnermullu Ingerlatsivik – pisortaq Tina Evaldsen / TIEV

Inassuteqaat

Aningaasaqarnermut Inuussutissarsiornermullu Ataatsimiititamit Kommunalbestyrelsimut inassuteqaatigineqarpoq:

1. Issittumi Illu Aalaffiusumut pilersaarummut titartagaliaq akuersissutigineqassasoq

Suliamik saqqummiussineq

Sanarfinermut Avatangiisinullu Ingerlatsivimmit aamma Meeqqanut Atuarfeqarnermullu Ingerlatsivimmit Nuussuup Timersortarfianik ineriartortitsinissaq pillugu misissueqqaarneq matumuuna saqqummiunneqarpoq.

Misissueqqaarneq pilersaarummut titartagartaliornermik kinguneqarpoq, tassani timersortarfiup pioreersup issittumi illu aalaffiusumut ineriartortinnissaa allaaserineqarpoq, taanna aalanissamut, ilinniarnissamut, ataatsimoorinnissamut isersimaarfiunissamut inissaqassalluni. Pilersaarummut titartakkami ilaatigut qitiusumik naapittarfik iggavittalik isersimaartarfitalillu, kulturikkut aalanissamullu inersuit kiisalu aalanissamut, pissittaarnissamut, qallornissamut nukkassarnissamullu atortut ilaapput, taamaalilluni timersortarfik sammisassanut atuisunullu arlalinnut inissaqassaaq.

Pilersaarummi peqqissuunermik, atugarissaarnermik ataatsimoornermillu siuarsaataasumik inuiaqatigiinnut ammasumik peqataatitsiffiusumillu naapittarfimmik pilersitsinissaq siunertarineqarpoq. Peqatigitillugu pilersaarut ulluinnarni sunngiffimmilu aalanermut pitsaannerusumik atugassaqtitsilissaaq aamma atuarfinnut, paaqqinniffinnut peqatigiiffinnullu tapertaalluni kiisalu Nuussuullu ataatsimut kivinnekarnissanut iluaqutaassalluni.

Pilersaarummut titartagaq sumiiffinni misissuinerinik ingerlanneqartunik aamma innuttaasunik atuisunullu annertuumik peqataatitsinerinik tunngaveqarpoq, tassani kissaatit pisariaqartitalu tiguneqartut pilersaarutip imarisaanut atornekarneranullu tunngavissiipput.

Pilersaarummut titartagaq pilersaarummik inerisaaqqinnissaaq siunertaralugu akuersissutigisassanngorlugu saqqummiunneqarpoq, matumunnga ilanngullugit missiliuutitut naatsorsuutitalimmik pilersaarutitut siunnersuusiorneq kiisalu pilersaarummik piviusunngortitsinissamut aningaasaateqarfimmik tunissuteqarfigineqarnissamut qinnuteqaasiorneq.

Ingerlatsivimmit aningaasatigut sulisoqarnikkullu naliliinerit

Pilersaarummut titartagaliorneq Aningaasaliissutit 23-mit – Aningaasaateqarfimmit Aningaasaliissutinit aningaasalerneqarpoq. Sanarfinermut Avatangiisinullu Ingerlatsivimmit ukioq naallugu suliaqarnerit 1/2-it nalingi atornekartut aamma kommunimut pilersaarummik aaqqissuussinerimut ukioq naallugu suliaqarnerit 1/3-t atornekassasut naatsorsuutigineqarpoq.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaattillit

- Kommunimut pilersaarut digitalusoq www.kp.sermersooq.gl
- Pilersaarusiornermut periusissiaq 2023
- Illoqarfiit pingaarnersaat pillugu periusissiaq Nuuk 2035
- Meeqqanik inuusuttunillu suliaasaqarfimmi Peqqinnermik Siuarsaanermut Pitsaaliuinnermullu Periusissiaq 2024-2030
- Kalaallit Nunaanni Timersoqatigiit Kattuffiannik suleqatigiinnissamut isumaqatigiissuteqarneq

Siusinnerusukkut aalajangiinerit

Teknikkeqarnermut Avatangiisinullu Ataatsimiititaq, 05.08.26:

Inassuteqaat akuersissutigineqarpoq.

Meeqqanut, Ilaqutariinnut Atuartitaanermullu Ataatsimiititaq, 06.08.26:

Inassuteqaat akuersissutigineqarpoq.

Aningaasaqarnermut Inuussutissarsiornermullu Ataatsimiititaq 20.08.26:

Inassuteqaat akuersissutigineqarpoq.

Ilanngussaq

1. Pilersaarummut titartagaq Issittumi Illu Aalaffiusoq
2. Najoqqutassiaq

Cykelertartut peqatigiiffiannik Cykel'liussisartut-nik suleqateqarnissamik isumaqatigiissuteqarneq

Aalajangiiffigisassaq

SagsID.: EMN-2026-01660

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Aningaasaqarnermut Inuussutissarsiornermullu Ataatsimiititamit Kommunalbestyrelsimut inassuteqaatigineqarpoq:

1. Kommuneqarfik Sermersuup aamma peqatigiiffiup Cykel'liussisartut ilanngussatut ilanngunneqartutut suleqatigiinnissamik isumaqatigiissuteqarnissaat akuerineqassasooq

Suliamik saqqummiussineq

Suliffeqarnermut Isumaginninnermullu Ingerlatsivimmiit peqatigiiffimmik Cykel'liussisartut suliniut *Ukiut apeqqutaatinnagit sikkilerneq* pillugu suleqatigiinnissamik isumaqatigiissusiornissamik oqaloqatiginninnikuupput. Tassani siunertaalluni innuttaasut utoqqaat inuunerat cykelinik angalaarunneqarnikkut, inooqataanermi sammisassaqaartinneqarnikkut kiffaanngissuseqarnerulernikkullu imaqaarnerulersinneqarnissaat. Suliniutaasooq pingaartumik utoqqarnut utoqqaat illuini najugaqartunut innuttaasunullu inuit akornaniikkunnarnikunut saaffiginnippoq. Suleqatigiinnissamik isumaqatigiissut 2026-mi aggustip aallaqqaataaniit 2029-mi juulip 31-annut ingerlassaaq. Piffissap taassuma iluani ilaatigut Nuummi qitiusoqarfiliussaaq. Kommunimi utoqqartatsinnik ataatsimoorussamik inerisaasoqarlunilu suliaqartoqassaaq.

Suleqatigiinnermut ilaatillugu peqatigiiffik rickshawcykilinik marlunnik atugassaqaartitsisuussaaq, suliniummik aqutsissalluni aamma nammineq kajumissutsiminnik suliaqartussanik peqataatitsiniarluni. Kommuneqarfik Sermersooq attaveqaataasussanik ikiutissaaq, ataqatigiissaarinnermi suliaqarnermilu sulisunik peqataatitsissalluni, kiisalu rickshawcykilit allat marluk, taamaalilluni kommunimi utoqqaat illuisa aamma ulluunerani ornittakkat akornanni atornerarsinnaaniassammata. Ingerlatsivimmiit nalilerneqarpoq, suleqatigiinneq utoqqaat akornanni kiserliornermik pinaveersaartitseqaataassasooq, inuiaqatigiinnik suleqateqarnermik annertusaassaaq aamma kommunimi utoqqartatsinnut isumaqarluartunik arlalinnik sammisassaqaartitsinissamik pilersitsissaaq.

Ingerlatsivimmit aningaasatigut sulisoqarnikkullu naliliinerit

Kommuneqarfik Sermersooq 2026-mi 43.000 koruuninik peqatigiiffimmut Cykel'liussisartut-inut tapiissuteqassaaq, tassa suleqatigiinnermut atatillugu kommunip tunniussarissallugit. Tapiissutit isumaginnermut aningaasaliissutinit matussuserneqassapput, soorlu peqatigiiffimmut siusinnerusukkut aningaasaliisoqarnikuuneratut. Suleqatigiinnerup kingunerisaanik aammattaaq sulisunik atuiffiussaaq, soorlu kommunimiit attaveqaatitut. Kiisalu utoqqaat illuini ulluuneranilu ornittakkani sammisassanut tunngasutigut ataqatigiissaarineq, pilersaarusiorneq sulisunik atuiffiussasut. Ingerlatsivimmit nalilerneqarpoq, suliaassat taakku aqqissuussaanerup iluaneereersunit isumagineqarsinnaajumaartut.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaaq allakkallu tunngaviusumik uppersaartillit

- Kommuneqarfik Sermersuumi Utoqqaat pillugit politikki 2016-2026 – "Ataqqinartumik eqeersimaartumillu inuuneq".

- Utoqqarnut Isumassuinemullu Ataatsimiititaq, politikkikkut anguniakkat 2025-2029

Siusinnerusukkut aalajangiinerit

Utoqqarnut Isumassuinemullu Ataatsimiititaq, 03.08.26:

Inassuteqaat akuersissutigineqarpoq.

Aningaasaqarnermut Inuussutissarsiornermullu Ataatsimiititaq 20.08.26:

Inassuteqaat akuersissutigineqarpoq.

Ilanngussaq

1. Suleqatigiinnissamik isumaqatigiissut

Prinsesse Margrethep Meeqqanut Angerlarsimaffia & Nasippi

Aalajangiiffigisassaq

SagsID.: EMN-2024-01879

Suliffeqarfiup iluani Kiffartuussivik – Kommunaldirektøri Ole Jakobsen / OJAK

Inassuteqaat

Aningaasaqarnermut Inuussutissarsiornermullu Ataatsimiititami Kommunalbestyrelsimut inassuteqaatigineqarpoq:

1. Namminersorlutik Oqartussat Prinsesse Margrethep Meeqqanut Angerlarsimaffiutaata, tassunga ilanngullugit innunut innarluutilinnut immikkoortortaqarfik Nasippi, Kommuneqarfik Sermersuumit tiguneqarnissaat inaarutaasumik akuersissutigineqassasoq
2. Suliarinertaata naammassineqarnissaa, ilanngussaq 2 innersuussutigalugu, allaffissornikkut isumaqatigiissutigineqassasoq akuersissutigineqassasoq
3. immikkoortoq 1 aamma 2 akuersissutigineqassappata, Tasiilami sammisassaqaartitsinerumut najortigiinnissamullu neqeroorutip Qaaliap pilersinneqarnissaa akuersissutigineqassaaq, ilanngussaq 3 innersuussutigalugu
4. ingerlatsinertaata aningaasalersorneqarnera Meeqqanut Ilaqutariinnullu Ingerlatsivimmi aamma Suliffeqarnermut Isumaginninnermullu Ingerlatsivimmi missingersuutitigut aningaasartuutaannginnerusumik nuussinikkut pissasoq

Suliassamik saqqummiussineq

Prinsesse Margrethep Meeqqanut Angerlarsimaffiata aamma Nasippiup tiguneqarnissaanut inaarutaasumik isumaqatiginninniutigineqartut naammassineqarpata, suliaq Aningaasaqarnermut Inuussutissarsiornermullu Ataatsimiititami kiisalu Kommunalbestyrelsimi inaarutaasumik akuersissutigineqassasoq Aningaasaqarnermut Inuussutissarsiornermullu Ataatsimiititap ulloq 17. septembarimi ataatsimiinnerani aalajangiunneqarpoq.

Isumaqatiginninniarnert maanna pingaarnertut inaarutaasumik pisortatigoortumillu naammassineqareerput. Prinsesse Margrethep Meeqqanut Angerlarsimaffiata taassumalu immikkoortortaqarfia ilanngullugu akeqanngitsumik Kommuneqarfik Sermersuumut tunniunneqarnissaa, ilanngussaq 1-imi allassimasoq innersuussutigalugu, Aningaasaqarnermut Akileraartarnermullu Ataatsimiititaliami maanna akuersissutigineqarsimalerpoq. Suliaq taamaalilluni politikikkut inaarutaasumik akuersissutigisassanngorlugu saqqummiunneqarpoq.

Aningaasaqarnermut Akileraartarnermullu Ataatsimiititaliami aalajangiussaani (ilanngussaq 1-imi) takuneqarsinnaasutut, suliassat ingerlatsinerumut tunngasut tunniunneqassasut, matumani pequtit atortullu akeqanngitsumik Kommuneqarfik Sermersuumut tunniunneqarneri ilanngullugit, akuersissutigineqarput. Pissutsit qulaajarsimanngitsut kingunerisaanik missingersuutitigut aningaasartuutaanngitsut allaffissornermullu tunngasut isumagineqassapput (piginnittuunerumut uppersaammik suliaqarneq, sulianik ingerlatsinerumut tunngasunik killilersuineq, qamutit motoorillit, sulisunik nuussineq, akissarsianik tunniussineq, akuersissuteqarneq, tigusinerumut ullussamik aalajangiineq ilaalu ilanngullugit)

Aningaasaqarneq

Prinsesse Margrethep Meeqqanut Angerlarsimaffianut Nasippimmullu aningaasartuutaasut tamaasa ullumikkut Kommuneqarfik Sermersuumit akigitat malillugit akilernerqartarput – Matumani akissarsianut, ingerlatsinerumut kiisalu illut aserfallatsaalinerinut aningaasartuutit ilaatinneqarput. Taamaattumik tunngaviatigut tunniussinerumut atatillugu aningaasartuuteqartoqartariaqanngikkualarpoq - tassami kommunimi immikkoortortami missingersuutiniit allamut nuussineq matumani pineqarami.

Immikkoortortatut nutaanut pilersinneqartunut akigitat malillugit akiliutiniit aningaasat sorliit nuunneqassasut erseqqissumik naatsorsoruminaappoq, aamma kisitsit sorliit pitsaanerpaamik aallaaviussanersut. Sukumiisumik taamatut naliliinissaq ingerlatsiviit susassaqtut ataasiakkaat suliarissavaat, tassaasut Meeqqanut Ilaqutariinnullu Ingerlatsivik aamma Suliffeqarnermut Isumaginninnermullu Ingerlatsivik missingersuutaasunik ilisimaarinnillu arnerpaajusut .

Tigusineq aningaasartuutitaqannginnissaa naatsorsuutigineqarpoq, akigititanut aningaasartuutitut atornerqartut immikkoortutut marlunnut ingerlatsinermut agguasseqqinnikkut pissaaq

2024-mi aamma 2025-mi akigititanut akiliisarneq ima isikkoqarpoq:

Akigititanik akiliutitut aningaasartuutit (mio. kr.)	2024	2025
Nassipi	5,2	5,4
Prinsesse Margrethep meeqqanut angerlarsimaffia	17,9	14,4
Katillugit	23,1	19,8

Suliffeqarfiup aqqissuussaana

Aqqissuussaaneq eqqarsaatigalugu immikkoortortat marluk pilersinneqassapput, Prinsesse Margrethellu Meeqqanut Angerlarsimaffia Meeqqanut Ilaqutariinnullu Ingerlatsivimmiilissaaq aamma Suliffeqarnermut Isumaginninnermullu Ingerlatsivimmiittussamik sammisaqartitsinermut najortigiinnermullu neqeroorummik pilersitsisoqassaaq, ilanngussaq 3 innersuussutigalugu. Paaqqinnittarfiit illutaasa aserfallatsaaliornernut tunngasut eqqarsaatigalugit, Sumiiffimmi pisortaq akisussaatinneqassaaq. Sulisunut inissiat eqqarsaatigalugit aallaaviatigut Iserit isumaqatigiissutigineqassaaq.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Missingersuutinit aamma naatsorsuutinit aningaasaqarnikkut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaattillit

- Meeqqat inuusuttullu tapersorsorneqarnissaannut inatsit
- Inuit innarluutillit pillugit inatsit
- Piginnaatitsinermut pilersaarut

Siusinnerusukkat aalajangiinerit

Aningaasaqarnermut Inuussutissarsiornermullu Ataatsimiititaq 20.08.26:

Inassuteqaat akuersissutigineqarpoq.

Ilanngussaq

1. Aningaasaqarnermut Akileraartarnermullu Ataatsimiititaliap aalajangiinera
2. Allaffissornikkut ilisimatitsissut
3. Sammisassaqtitsinermut najortigiinnissamullu neqeroorummik pilersitsineq

Kommunalbestyrelsen Paamiunut angalaneranut angalanermit nalunaarusiaq

Aalajangiiffigisassaq

SagsID.: EMN-2024-00966

Pisortaatigii Allatseqarfiat – kommunaldirektøri Ole Jakobsen / OLJA

Inassuteqaat

Pisortaatigii Allatseqarfiannit Kommunalbestyrelsimut inassuteqaatigineqarpoq:

1. angalanermit nalunaarusiaq akuersissutigineqassasooq

Suliamik saqqummiussineq

Kommuneqarfik Sermersuumi illoqarfiit nunaqarfiillu qinikkanit paasisimasaqarfiginninnerulernissamut iluaqutaasussamik kiisalu kommunimi innuttaasunik oqaloqateqarnissaq siunertaralugu, qinikkat angalasarnissaannut nutaamik aaqqissuussisoqarnissaa Kommunalbestyrelsimut ulloq 17.06.25-mi akuersissutigineqarpoq.

Kommunalbestyrelse nutaamik illoqarfimmut periusissiamik suliaqarnermut ilaatillugu februaarip qaammataani Paamiunut ilisimasassarsiorluni angalavoq. Angalanermit illoqarfimmi aaqqissuussaanikkut pisariaqartitaq, najukkami nukittuffiit aamma ineriartornissamut unamminiarnartut paasisaqarfigilluarnissaat kiisalu politikkikkut sulinerup ingerlateqqinnissaanut misilittakkanik pisarialinnik katersinissaq siunertaavoq.

Kommunalbestyrelsen angalanermini najukkami suleqataasunit, paaqqinnittarfinnit Paamiunilu innuttaasunit oqaloqatiginninnerulernissamut arlallit pulaarpai. Oqaloqatiginninnerit taakku tunngavigalugit anguniakkat tallimat oqaasertalerneqarput, taakkulu Paamiunut illoqarfik pillugu periusissaanut naapertuupput. Angalanermit nalunaarusiaq Kommunalbestyrelsimut akuersissutigineqareerpat, anguniakkat tallimat uku illoqarfiup ineriartortinneqarnissaanik allattoqarfiup ingerlaqqilluni suliaqarneranut tunngaviussapput.

1. Paamiuni inissiat amerlanerusut pitsaanerusullu

Paamiuni inissiat amerlanerusut assigiinngisitaarnerusullu pilersinneqassasut aamma aningaasaqarnikkut piujuartitsisut tunngaveqartumik inissialiornissamut periarfissiinnaasumik nutaamik aningaasalersueriaaseq misissorneqassasooq Kommunalbestyrelsimut anguniarneqarput. Inissiat ilaqutariit, inuusuttut aamma piukkunnaateqarlutik sulisinnaassusillit pilersaarnissaannut illoqarfimmiitinnarnissaannullu pingaarnertut tunngaviutinneqassapput.

2. Ilinniartitaaneq najukkamilu suliffeqarfiit nukittorsakkat

Inuusuttut aamma aalisarnerup takornariaqarnerullu iluini Paamiuni inuusutissarsiuutitigut inerisagassatut periarfissaareersut pingaartumik qitiutillugit, ilinniartitaanerup, inuusutissarsiornerup najukkamilu suliffeqarfiit akornanni ataqatiginninnerulersitsisoqarnissaa Kommunalbestyrelsimut anguniarneqarpoq. Inuusuttut ilinniagaqarnissamut, suliffeqarnissamut Paamiunilu najugaqarnissamut periarfissaqarnerunissaat matumani anguniarneqarpoq.

3. Pitsaaliuineq peqqinnerlu

Tupamik, imigassamik aalakoornartulimmik aanngajaarniutinillu atuinerup pinaveersaartinneqarnerunissaa peqataanillu peqqinnissamik siuarsaataasunik illoqarfimmilu ataatsimoornermik tapersersuutaasunik ukkatarinnittussanik pitsaaliuinnermut ataatsimiititamik pilersitsisoqarnissaa kommunalbestyrelsimut anguniarneqarpoq. Paamiuni innuttaasut peqqinnartumik inuuneqarnissaat ilaatigut ataavartumik nappaateqalernissamut aarlerinartortai

minnerpaaiffianiitissallugit inuunerullu pitsaassusaa annertusitissallugu atukkat pitsaanerpaat qulakkeerneqassasut siunertaavoq.

4. Najukkami ataatsimoortoqarneratigut Paamiut nukittunerusoq

Najukkami ataatsimoortut nukittunerusut peqqinnermik, atugarissaarnermik inuunerullu pitsaassusaanik sulissuteqarnerup ilaanik Kommunalbestyrelse tapersersuerusuppoq. Paamiut inerisarneqarnerani najukkami isumalluutit suleqataallualernerunissaat anguniarlugu, kommunip, najukkami suleqataasut oqartussaaffeqarfiillu attuumassuteqartut akornanni qaninnerusumik suleqatigiinnissaat tamatuma peqataanik anguniarneqassaaq.

5. Najukkami inuussutissarsiuteqartut takornialerisullu nukittunerusut

Aalisarnerup takornialerinerullu iluini Paamiuni najukkami inuussutissarsiutitigut periarfissaalluutut atorluarneqarnissaat kommunalbestyrelsimit anguniarneqarput. Aningaasaqarnikkut pissarsiat ilaannit suliffissanik pilersitsinissamut najukkamilu inerisaanermut atorneqarniassammata, najukkami suliffeqarfiit aallarnisaasartullu pitsaanerusunik atugassaqaqtariaqarput.

Ingerlatsivimmit aningaasatigut sulisoqarnikkullu naliliinerit

Ukioq manna kommunalbestyrelsip angalaneranut aningaasartuutit missingersuutitigut 950.000 koruunit killiliussat iluanniipput.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaataillit

- Kommunit aqunneqarnerat pillugu Inatsisartut inatsisaat nr. 29, 17. novembari 2017-imeersoq.

Ilanngussaq

1. Angalanermit nalunaarusiaq



Ittoqqortoormiit – pinngortitamut qanittoq – siunissamut atassutilik

Illoqarfik pillugu periusissiaq

Aalajangiiffigisassaq

SagsID.: EMN-2026-00101

Pisortaatigiit Allatseqarfiat – kommunaldirektøri Ole Jakobsen / OLJA

Inassuteqaat

Pisortaatigiit Allatseqarfiannit Kommunalbestyrelsimut inassuteqaatigineqarpoq:

1. illoqarfik pillugu periusissiaq 'Ittoqqortoormiit – pinngortitamut qanittoq – siunissamut atassutilik' akuersissutigineqassasooq

Suliamik saqqummiussineq

Ittoqqortoormiit illoqarfik pillugu periusissiaq illoqarfiup ataatsimut siunissamullu ungasinnerusumut siunnerfilimmik ineriartortinnissaanut aallartitsisussamik suliaqartoqarnissaa Kommunalbestyrelsimut kissaatigineqarpoq.

Innuttaasorpaalunnik najukkamilu soqutigisaqaqatigiinnik, matumani peqatigiiffinnik, inuussutissarsiuteqartunik najukkamilu suliaqartunik allanik peqataatitsinikkut illoqarfik pillugu periusissiaq suliarineqarpoq. Innuttaasunik ataatsimiititsinikkut, oqaloqateqarnikkut allatigullu peqataatitsinikkut Ittoqqortoormiit ineriartortinneqarnissaanut isiginnittariaatsinik, kissaatinik isumassarsianillu katersuisoqarpoq. Tamatuma saniatigut periusissiami paasissutissat misissueqqissaarinerillu attuumassuteqartut kiisalu kommunimi periusissiaareersut pilersaarutaareersullu aallaavigineqarput.

Tamanna tunngavigalugu pingaarnersiuiinertalinnik, anguniagartalinnik iliuusissartalinnillu qitiusunik sammisanik suussusersisoqarpoq:

- Kalaallit Nunaannut nunarsuarmullu atassutilik
- Ulluinnarni inuuneq peqqinnerusoq aamma imminut napatissinnaaneq
- Pinngortitaq, ilisimasat aamma ineriartorneq imminut napatissinnaasooq
- Najukkami suliffissat aamma najukkami periarfissat
- Inuunermut pitsaasumut atugassarititaasut pitsaasut

Periusissiaq Ittoqqortoormiit pillugu pingaarnersiueqqinnissamut ineriartortitsinissamullu toqqammaviliissaaq aammalu illoqarfiup ineriartortinnerani najukkami innuttaasut sunniuteqarnerunissaat pigiliussinerunissaallu annertusarneqassapput.

6. Qinnuteqaatip suliarinera

Kommunalbestyrelsimut akuersissutigineqareerpat illoqarfik pillugu periusissiaq atuutilersinneqarnissaa aallartinneqassaaq. Periusissiami suliniutit iliuutsillu pingaarnersiorneqarnerini innuttaasut, najukkami suleqataasut, inuussutissarsiuteqartut peqatigiiffiillu ataavartumik peqataatinneqassapput.

Inoqarfinnut Ataatsimiititaq ukiup affakkaartumik eqqartueqatigiinnikkut pingaarnersiuiinikkullu peqataatinneqartassaaq. Suleriutsit imminnut ikorfartorniassammata Ittoqqortoormiillu ataqaatigiissumik ineriartortinneranut iluaqutaaniassammata, siammarterinermik kommunip suliaqarneranut atuutilersitsineq ilaatinneqassaaq.



Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatiillit

- 2025-mut missingersuutit pillugit isumaqatigiissut

Ilanngussaq

1. Ittoqqortoormiit – pinngortitamut qanittoq – siunissamut atassutilik



Paamiut – ilaqutariinnut illoqarfik

Illoqarfik pillugu periusissiaq

Aalajangiiffigisassaq

SagsID.: EMN-2026-00101

Pisortaatigiit Allatseqarfiat – kommunaldirektøri Ole Jakobsen / OLJA

Inassuteqaat

Pisortaatigiit Allatseqarfiannit Kommunalbestyrelsimut inassuteqaatigineqarpoq:

1. illoqarfik pillugu periusissiaq 'Paamiut – ilaqutariinnut illoqarfik' akuersissutigineqassasooq

Suliamik saqqummiussineq

Paamiunut illoqarfik pillugu periusissiaq illoqarfiup ataatsimut siunissamullu ungasinnerusumut siunnerfilimmik ineriartortinnissaanut aallartitsisussamik suliaqartoqarnissaa

Kommunalbestyrelsimut kissaatigineqarpoq.

Innuttaasorpaalunnik najukkamilu soqutigisaqaqatigiinnik, matumani peqatigiiffinnik, inuussutissarsiuteqartunik najukkamilu suliaqartunik allanik peqataatitsinikkut illoqarfik pillugu periusissiaq suliarineqarpoq. Innuttaasunik ataatsimiititsinikkut, oqaloqateqarnikkut allatigullu peqataatitsinikkut Paamiut ineriartortinneqarnissaannut isiginnittariaatsinik, kissaatinik isumassarsianillu katersuisoqarpoq. Tamatuma saniatigut periusissiami paasissutissat misissuqqissaarinerillu attuumassuteqartut kiisalu kommunimi periusissiaareersut pilersaarutaareersullu aallaavigineqarput.

Tamanna tunngavigalugu pingaarnersiuiinertalinnik, anguniagartalinnik iliuusissartalinnillu qitiusunik sammisanik suussusersisoqarpoq:

- Illoqarfik tikikkuminartoq ataqatigiissorlu
- Najugaqarfigissallugu inuuffigissallugulu atukkat pilerinartut
- Piujuartussamik ineriartortumik inuussutissarsiorneq
- Ataatsimoorneq toqqissisimanartoq peqataatitsisorlu
- Illoqarfimmi pinngortitamut ungasinngitsumi inuuneq pilerinartoq

Periusissiaq Paamiut pillugit pingaarnersiueqqinnissamut ineriartortitsinissamullu toqqammaviliissaaq aammalu illoqarfiup ineriartortinnerani najukkami innuttaasut sunniuteqarnerunissaat pigiliussinerunissaallu annertusarneqassapput.

Suliap ingerlaqqinnera

Kommunalbestyrelsimut akuersissutigineqareerpat illoqarfik pillugu periusissiaq atuutilersinneqarnissaa aallartinneqassaaq. Periusissiami suliniutit iliuutsillu pingaarnersiorneqarnerini innuttaasut, najukkami suleqataasut, inuussutissarsiuteqartut peqatigiiffiillu ataavartumik peqataatinneqassapput.

Inoqarfinnut Ataatsimiititaq ukiup affakkaartumik eqqartueqatigiinnikkut pingaarnersiuiinikkullu peqataatinneqartassaaq. Suleriutsit imminnut ikorfartorniassammata Paamiullu ataqatigiissumik ineriartortinneranut iluaqutaaniassammata, siammarterinermik kommunip suliaqarneranut atuutilersitsineq ilaatinneqassaaq.

Ingerlatsivimmit aningaasatigut sulisoqarnikkullu naliliinerit



Pisariaqanngilaq.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaasatillit

- 2025-mi missingersuutit pillugit isumaqatigiissut

Ilanngussaq

1. Paamiut – ilaqutariinnut illoqarfik

Kommuneqarfik Sermersuup aamma WWF-imi Nunarsuarmi pinngortitamut aningaasaateqarfiup akornanni Memorandum of Understanding (MoU) pillugu isumaqatigiissut

Aalajangiiffigisassaq

SagsID.: EMN-2026-00383

Pisortaqatigiit Allatseqarfiat – kommunaldirektøri Ole Jakobsen / OJAK

Inassuteqaat

Pisortaqatigiit Allatseqarfiannit Kommunalbestyrelsimut inassuteqaatigineqarpoq:

1. Memorandum of Understanding (MoU) pillugu ilanngussaq akuersissutigineqassasoq

Suliamik saqqummiussineq

Nuummi, Ittoqqortoormiini Tasiilamilu suliaassat suliniutillu ilaatigut pillugit WWF-imi Nunarsuarmi pinngortitamut aningaasaateqarfik maanna ukiorpaalunngortuni Kommuneqarfik Sermersuumiit suleqatigineqarsimalereerpoq. Suliassaareersut ataavartumillu suleqatigiittarneq tunngavigalugit, pingaarnertut isumaqatigiissutaasussamik, aamma Memorandum of Understandingimik (MoU) taaneqartartumik, illuatungeriinnit isumaqatigiissusiorfigineqarusuppoq.

MOU-imi matumani siunertat tassaapput, suliniutit aamma aallarnisaanerit ataatsimoortumik oqaloqatigiissutiginiissaannut suleqatigiissutiginiissaannullu malitassanik inissiineq, taakkua Kommuneqarfik Sermersuumi piujuartitsisumik ineriartortitsinermut, pinngortitamik attassiinnarnermut aamma najukkani inuiaqatigiinnik nukittorsaanermut ilanngussaqaqataassapput. Isumaqatigiissut atorlugu ajornaannerusumik suliniutaareersunik inerisaasoqarsinnaavoq taavalu ilaatigut pinngortitamut, ilinniartitaanermut, inuusuttunut piujuartitsisumillu inuussutissarsiornermut tunngatillugu nutaanik suliniuteqalernissamut toqqammavilliisoqarsinnaalluni.

Suleqatigiinnermi ilaatigut pineqarput:

- Ittoqqortoormiini nannunik nakkutilliisarnermik WWF-ip suliaqarnera.
- Imaani plastikimik mingutsitsineq pillugu Nuummi Atuarfik Inussummi ilinniarnermik sammisaqarneq.
- Inuusuttut, minguitsuutitsiniarneq, imminut pilersorneq kaaviiartumillu aningaasaqarneq qitiutillugit Tasiilami Siu-Tsiumik suleqateqarneq.
- Takornariaqarnermik piujuartitsisumik pinngortitamillu tunngaveqartumik ineriartortitsinissamut periarfissat pillugit najukkami takornarialerisunik suleqateqarneq oqaloqateqarnerlu sumiifinnilu inuusuttunut periarfissarsiorneq.

MoU Kommuneqarfik Sermersuumut aningaasaqarnikkut pisussaaffilersuisuunngilaq. Isumaqatigiissut qanoq pilersaarnermik nalunaaruteqartinneqassaaq, tassanilu suliniuteqarfiit illuatungeriinnit ataatsimut suleriaqqiffiginissaannik kiisalu suliaasaqarfiit attuumassuteqartut ingerlatsiviillu peqatigalugit oqaloqatigiinnermut suleqatigiinnermullu tapersersuisumik allaqqasoqassaaq. Isumaqatigiissut ullunik 30-nik ilimasaarinikkut illuatungeriinnit atorunnaarsinneqarsinnaavoq taannalu 30. marsi 2029-p tungaanut atuutissaaq, sioqqullugu atorunnaarsinneqarsimanngikkuni.



Isumaqatigiissut malillugu Kommuneqarfik Sermersooq pisussaaffeqartoq una malissallugu WWF-ip Fraud and Corruption Prevention and Investigation Policy (Oktobari 2020) samt WWF's Ethical Labour Code of Conduct.

Isumaqatigiissut malillugu suleqatigiinnermut pioreersumut siunissamilu suleqatigiinnissamut malitassiissaaq peqataanillu kommunimi suliaasanut suliniutinullu WWF-ip aningaasassarsiorneranut toqqammavissatut atorneqassalluni.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaattillit

- Kommunit aqunneqarnerat pillugu Inatsisartut inatsisaat, nr. 29. 17. novembari 2017-meersoq

Ilanngussaq

1. MoU pillugu isumaqatigiissut
2. WWF-ip kommunimi suliniutai ingerlaneqartut pillugit allaaserisaq



Inuusuttut kommunalbestyrelsianni 2026-mi ukiumoortumik ataatsimiinneq – innersuussutit oqaluuserineqarnerat

Oqaluuserisassaq

SagsID.: EMN-2026-01514

Pisortaqatigiit Allatseqarfiat – kommunaldirektøri Ole Jakobsen / OJAK

Inassuteqaat

Pisortaqatigiit Allatseqarfiannit Kommunalbestyrelsimut inassuteqaatigineqarpoq:

1. Inuusuttut Kommunalbestyrelsianni 2026-mi ukiumoortumik ataatsimiinnermi innersuusiaat sisamaasut Kommunalbestyrelsimi oqallisigineqassasut ingerlariaqqinnissamullu aalajangiisoqarluni
2. Inuusuttut Kommunalbestyrelsianni 2026-mi ukiumoortumik ataatsimiinneq Kommunalbestyrelsimit tusaatissatut tiguneqassasoq

Suliamik saqqummiussineq

Inuusuttut kommunalbestyrelsianni ukiumoortumik ataatsimiinneq Nuummi ulluni 1.- 5. juuni 2026-mi pivoq, ilaasortat 12-it Nuummi, Paamiuni, Tasiilami, Ittoqqortoormiini kiisalu nunaqarfinni Kulusummi, Kuummiini, Sermiligaami aamma Isertumi atuarfinni atuartuusut peqataasoralugit.

Ukiumoortumik ataatsimiinnermi ilaasortat kikkut tamat oqartussaaqataanerisa aamma kommunimi aalajangiisarnerup paasisaqarfigilluarnissaat kiisalu Kommuneqarfik Sermersuumi meeqqanut inuusuttunullu attuumassuteqartunik Kommunalbestyrelsimut innersuussutuliornissamik periarfissinneqarnissaat siunertaavoq.

Saqqummiinerit, workshopernerit aamma ilaatigut Borgmesterimik oqaloqateqarneq ingerlanneqarput aamma Kommunalbestyrelsimi ilaasortat peqatigalugit qulequttat peqatigiinneq, oqartussaaqataaneq, meeqqat pisinnaatitaaffii, atugarissaarneq aalajangeeqataasinnaanerlu pillugit sammisaqarlutik. Tamanna tunngavigalugu Inuusuttut kommunalbestyrelsiat sisamanik innersuussusiorput, ukuusut:

- Meeqqat inuusuttullu atugaannik nukittorsaaneq,
- Inuusuttut Kommunalbestyrelsiisa atuuffiannik nukittorsaaneq,
- Atuarfinni pimmatiginnittarnerup pinaveersaartinneqarnera,
- Meeqqat inuusuttullu timikkut tarnikkullu peqqissuunissaannik annertusaaneq.

Innersuussutit ukiumoortumik ataatsimiinnerup naammassinerani Kommunalbestyrelsimut tunniunneqarput, ilanngussaq 1-itut ilanngunneqartut.

Ukiumoortumik ataatsimiinneq tamatuma kingorna nalilersorneqarpoq. Ukiumoortumik ataatsimiinneq ataatsimut isigalugu naammagisimaarinnittoqartoq kiisalu oqartussaaqataaneq, aalajangeeqataasinnaassuseqarneq kommunimilu ilaasortat akornanni aalajangiisoqartarnerani ingerlariuseq pillugu paasisimasaqarnerulerfiusoq nalilersuinnermi erserpoq. Nalilersuinnermi nalunaarusiaq ilanngussaq 2-tut ilanngunneqarpoq.

Ingerlatsivimmit aningaasatigut sulisoqarnikkullu naliliinerit

Inuusuttut kommunalbestyrelsiannut ukioq allortarlugu aningaasaliissutaasut 500.000 kr.-nik annertussuseqartut sippornagit aningaasartuutit matussuserneqarput.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq

Inatsisitigut tunngavissaq allakkallu tunngaviusumik uppersaataillit

- Kommuneqarfik Sermersuumi Inuusuttut Kommunalbestyrelsiannut ileqqoreqqusat
- FN-ip meeqqat pisinnaatitaaffii pillugit isumaqatigiissutaanni aalajangerneqarpoq, meeqqat pisinnaatitaaffeqartut, taakkununga tunngatillugu aalajangiinerni tusarniaaffigineqartassasut kiisalu pitsaanerpaamik atugassaqarnissaat pingaartinneqartuassasoq.
- Meeqqat tapersorneqarnissaannut Inatsisartut inatsisaat malillugu kommunalbestyrelsimit meeqqat tamarmik atugarissaarnissaannut, peqqissuunissaannut, ilikkariartornerannut aamma inuttut ineriartornerannut iliuuseqarnissap qulakkeerneqarnissaa pisussaaffigineqarpoq.



Ilanngussat

1. Inuusuttut kommunalbestyrelsianni 2026-mi ukiumoortumik ataatsimiinnermi innersuussutiliat
2. Inuusuttut kommunalbestyrelsinni 2026-mi ukiumoortumik ataatsimiinnermi nalilersuineq pillugu nalunaarusiaq

